



石湖居士文集卷第拾伍

詩

晚春二首

紅笠寇花

春風吹綠柳，燕子剪輕盈。紅笠寇花，

綠柳拂輕盈。燕子剪輕盈，紅笠寇花，

偶題

簷雨初乾團扇風夕陽芳樹綠葱葱蕉心播賴要與
春衫相竝紅

次韻郭季勇機宜雪觀席上番別

勝絕尊前萬事休縱非吾士且登樓山迎雨脚俄橫
過風約江聲欵倒流野水漸堪添酒回夕陽依舊蒲
簾鈎憑欄從此遲歸鞅能及中秋對月不

次韻許季韶通判雪觀席上

把酒臨風瑞露傾瓊漿何用謁雲英捲簾雨脚銀絲
掛倚杖江頭綠漲生嶺海一涼蘇暑病山林千籟試

秋聲茲遊竒絕忘羈宦慚愧煙中短棹橫

送周直夫教授歸永嘉

青燈相對話儒酸老去騎遊自鮮歡昨夜榕溪三寸
雨今朝桂嶺十分寒知心海內向來少解手天涯良
獨難一笑不須論聚散少焉吾亦跨歸鞍

贈趙廉州

馬群雜沓草蒙茸刮目權竒一洗空天末也應春信
到歲寒聊得酒遵同梅花夜夜湘南雨榕葉年年湖
北風少待佳晴看山去玉簩高捧翠雲叢

去年過弋陽訪趙恂道通判話西湖舊遊

因題小詩近忽刻石寄來謾錄
西賦書誌
紅塵寶馬碧湖船一夢如今費十年却照清

鬢但餘衰雪兩蕭然

送唐彦博宰安豐兼寄皇淮西帥趙渭師

郎中

唐子皦自鮮水清石鄰鄰繡腸五車書不鄙簿領塵
黥山與桂嶺一笑二十春天涯會面難歲晚情話真
五常無賢侯但有嵐煙昏此豈功名場往戍清淮濱
北門詩書師平生吾故人問評今何如凌煙上星辰
為言洛南客病作寒螿呻飄飄北歸夢夜繞吳松雲

燕堂後盧橘一株冬前開極香

盧橘花殘細細飛蒲枝晴日鬧蜂兒霜餘有此香無
柰合與稱題賦小詩

乾道癸巳臘後二日桂林大雪尺餘郡人

云前此未省見也郭季勇機宜賦古風為

賀次其韻

憶昔北征秋遇雪穹盧苦寒不堪說飛花如席暗燕
然把酒悲歌度佳節胡兒館客類西河鑄戶不容蜂
蟻泄當時已分食糧寧復夢遊炎嶺熱忽逐梅花
行萬里又與故輕話別天公恐我愁瘴霧十日號風

吹石裂同雲乃肯度嚴關一夜玉峰高截薛老榕翁
客最先縞穉竹朽虛時一折須知桂海接蓬瀛滿目
三山白銀闕不啻棲高翠袖單但嫌酒淺金杯亞東
郭先生履雖故詩情却却門冰壺絜煇然凍毘搜好句
山館青燈對明滅為憐叶氣到黃茅何止森森松柏
悅豐年作守會飽煖羈宦思歸自然絕豈無菊徑樂
琴書亦有秫田供翹蘄東岡雪後一犁春誰在陂頭
憶周燮

次韻陳仲思經屬西峯觀雪

仙人灑江遊剪水馮夷宮廣友來鄒枚寒轡搖冬瓏

起望天南墜玉沙蒲長風越人未省識把酒酌層空
從來嶠南北人謂將無同那知梁園霰飛入瑞露中
莫府有清士尋僧上西峯六飛花信娟巧未及五字
工我亦滌冰硯課虛貴新功莫嗤兩臞儒亮端上清
豐

喜雪示桂人

臘雪同雲嶺外稀南人北客盡冬衣從今杜老詩猶
信奪片飛時雪也飛

寄題高華叔心遠堂用卷中韻

示我新詩卷知君遜俗情安流親巫峽仄笑昆明

徽外夜絃語甕頭春蟻生藍橋卽仙窟何況有雲英
送郭季勇同年歸衡山

天壤郭有道文獻今在茲
啄啄家雞群見子野鶴姿
塵籠萬里心擇食中夜飢
拙宦避捷徑章風吹鬢絲
平生杏園友把酒天南陞
何敢吏朱浮但嘉見紫芝
問君今何適舊圃餘荒畦
提携漢陰壑歲晚俱忘機
勿開衡山雲恐驚隱淪棲
定肯從君遊歲晚攀桂枝
我亦理吳榜春湘棹蘋齊
風蒲為誰落之子同襟期
丁寧祝融峯將迎兩枯藜
一望五千里共洗壘煙悲
甲午歲朝寓桂林計去年
是日泊桐江謁

嚴子陵祠迤邐度嶺感懷賦詩

去年曉纜解江臯也
把屠蘇泛濁醪一席飽
風漁浦闊千山封雪鈎
臺高將軍老矣孤鳴劔
客子歸哉詠大刀
早晚扁舟尋舊路
柂樓吹笛破雲濤

癸水亭落成示坐客長老之記曰
癸水逸東城
永不見刁兵
余作亭於水上
其詳具記中

天將福地鞏嚴城
刑勝山川表裏明
舊說桂林無瘴氣
今知灘水辟刁兵
雲深銅柱邊
聲樂月吟珠池海
面平願挽江流接
河漢為君直北洗
攬槍

緩帶軒獨坐

午日烘開豈蕊苞
簷塵飛動雀爭巢
蒙蒙困眼無安處
閑送爐煙到竹梢

食罷書字

甲子灑泠雨東南
緝蟄風荔枝梅子綠
豈苞杏花紅
捫腹蠻茶快扶頭
老酒中荒隅經歲容
土俗漸相通
蠻本出修仁大治頭
風老酒數年酒南人珍之

次韻平江韓子師侍郎見寄三首

自古四愁湘水深
誰將城郭啓山林
有情碧嶂團欒繞
無數朱樓縹渺臨
蚺鼓揭天驚客坐
象豸航海厭蠻琛
三千客路長安遠
胡舊書來直萬金

南人以蚺蛇皮作腰鼓響

徹異常交趾以象草為豸豸皆異事

靈泉杖履浙江頭
經濟長懷尚典州
堂上讀書朝氣爽
臺前呼月海光浮
交情尺素動雙鯉
筆力枯松挽萬牛
已把三章翻樂府
為君擊節變蠻謳

師新作小策於浙江

瑰靈泉讀書堂呼月臺皆其處也

前年衝雪過雙溪
風帽泥韉騎吹隨
爛醉依前逢錦瑟
好音惟是欠黃鸝
功名未試玉璜玦
離別頻傾金

屈卮曠昔北征煩
吉夢南征合有夢
歸時頃年北使時朝野多

妄傳被留不歸子師家中久忽夢余歸翌日過畧報到故未句及之
鶯鶯子師家善歌者前年過婺券蕭已去

宜齋雨中

秀麥一番冷送梅三日霖綠肥新荔子紅迥舊蕉心
映竹千絲舞垂簷一線斟終朝盤膝坐早濕恐相侵
青山綠浦竹間明髣髴茗溪好處行解愠風來如故
舊催詩作要將迎休兵幕府烏鳶樂熟稻邊城鼓笛
聲摸寫箇中須綠筆句成仍挾水雲清

水鄉酌別但能之主管能之將過石康
南郭河橋市井喧綠荷香處有江天一簾梅雨鑪煙
外三疊陽關燭淚前馬耳西風君並海舡頭比渚我
歸田後期直恐參商似且醉金槽四十絃

六月十五日夜汎西湖風月温麗

暮犧金龜潭追隨今夕涼波紋挾月影搖蕩舞舡葱
夜久四山高松桂黯以蒼長煙界巖腹浮空餘劔銍
棹夫三弄笛跳魚翻素光我亦醉夢驚解纓濯滄浪
名情美葉風嫋吹鬢霜會心有奇賞天涯此何方清
潤不立塵空明滿生香過清難久番倪迎墮渺茫

燕堂書事

歲稔齋鈴闕年深屋塾推狸爭雷瓦過清難兩窻未
盡日風常籟無時地不梅耳邊情語少笑口若為開

酒邊二絕

團扇香中嫋嫋風斷腸聲裏看羞紅不須過去催乾
盞聽徹歌頭盞自空
日長繡倦酒紅潮閑束羅巾理六么新樣築毬花十
八丁寧小玉慢吹簫

枕上作

繞桃蚊相聒翻缸鼠自忙早衰秋夢亂不寐曉更長
賦擬騷人屈吟成病客莊安心無可覓隨處耳為鄉
思歸再用枕上韻

老覺觸事懶病添歸計忙行年心已化疇昔意空長
五柳栗里宅百花錦城莊何時去檢校一棹水雲鄉

李正之提點行至柳用余忙字韻寄和答

天涯逢我病秋晚送君忙感槩交情厚番連別恨長
賔筵猶雪觀客路已雲莊搖落柳江路應須憶醉鄉
曉出北郊

偏灰深巷中葱籠綠陰交山家不蚤起閉戶如藏逃
濃露蛻蟬咽小風飢燕高新渠塵涓流壞陂方怒號
遐疇病瘠土不肯昏作勞滅裂復滅裂晚秧如牛毛
空餘朝氣白浮浮濕弓刀官稱勸農使臨風首頻搔

甘雨應祈三絕

晚稻成苞未肯肥鷓鴣啼曉雨來時黃紬被冷初眠

覺先向芭蕉葉上知

數日雖蒙霖霖霑浥塵終限太廉纖今朝健起巡簷

看恰似廬山看水廉

高田一雨免飛埃上水網舡亦可催說與東江津吏

道打量今晚漲痕來

與鄭少融趙養民二使者訪古訾家州歸

憇松關二君款助力興廢戲書此付長老

善良以當疏頭

飄飄竹雨潤輕裘嫋嫋松風繫小舟安得送客興廢

手越人重上訾家州

淳熙甲午桂林鹿鳴燕輒賦小詩少見勸

駕之意

維南吾國最多儒聳看招招赴隴書竹實秋風辭冗

鳳桃花春浪脫淵魚月宮移種新栽桂江水朝宗舊

鑿渠况有狀頭坊并在明年應表第三閭

邵人曹鄴及第詩云我到

月宮收得種為君移向故園栽今歲用故事植桂正

夏進德二堂之下又復朝宗古渠以應文章應奉之

織趙觀文王世則亦郡人皆魁天下故詩中悉及之

逍遙樓席上贈張邦遠教授張癸未省闈

門生也同年進士俱芳樓上者七人
疇昔金門看選賢一星終矣半英躔誰憐蠻府清池

句不着南山捷徑鞭作者七人茅瘴地肅霜九月菊
殘天浮生聚散如風雨同倚東樓豈偶然

畫工李友直爲余作冰天桂海二圖冰天
畫使比虜渡黃河時桂海畫遊佛子巖道
中也戲題

許國無功浪着鞭天教飽識漢山川酒邊蠻舞花低
帽夢裡胡茄雪沒羈收拾桑榆身老矣追隨萍梗意
茫然明朝重上歸田奏更放岷山萬船

耳鳴戲題

歷々從何起冷々與耳謀人言衰相見我以妄心求

遠磬山房夜寒蛸隴樹秋圓通無別法但自此根脩

復作耳鳴二首

至音起寂透希夷珍重幽田爲發輝妙用何關新卷
葉圓通自有倒聞機夢中鼓響生千偈覺後春聲失
百非寄語爵陰吞賊道玉床安隱坐朱衣

東極空歌下始青西方寶網奏韶英不須路入兜元
國自有音聞室筏城牛蟻知誰床下鬪鷄蠅任向夢
中鳴如今却笑難陀種無耳何勞強聽聲

碧虛席上得趙養民運使寄詩約今晚可歸

次韻迓之

偶携尊酒上孱顏，忽憶行人瘴霧間。便好來分蒼石坐，已教不鑠翠雲關。

中書吟今寒夜

萬象闌無語，一蛩吟獨譁。南浦月浸樹，蒲庭穠李花。風從月中來，吹我兩鬢華。北斗聲回環，南斗亦橫斜。人生幾良夜，吾行久天涯。離居隔江漢，何由寄瓠麻。甲午除夜，猶在桂林。念至一第，使虜今夕當宿燕山會同館。兄弟南北，萬里感悵成詩。

把酒新年一笑非，鵲鴿原上巧相違。墨濃雲瘴我猶住，席大雪花君未歸。萬里閑山燈自照，五更風雨夢如飛。別離南北人誰免，似亦別離人亦稀。

乙未元日用前韻書懷，今年五十矣。

浮生四十九，俱非棲上行。藏與願違，縱有百年今。過半號無三策，但當歸定中。久已安心竟，飽外何須食。肉飛若使一丘并，一壑還鄉曲調儘依稀。

儘乃俗字

再用前韻

休論今昨總皆非，味世誠甘與我違。蜀道雖如履平地，杜鵑終勸不如歸。三冬自苦生毛穎，一夢微官陪蟹飛。夜久南枝翻倦鵲，茫茫月白衆星稀。

與同寮遊栖霞洞極深遠中有數路相傳
有通九疑者燭炬盡力還飲碧虛上陳仲
思用二華君韻賦詩即席和之

竹杖芒屨俗網疎每逢絕境更踟躕但隨歧路東西
去莫計光陰大小餘髣髴桃源猶舞鳳辛勤李白謾
騎魚今朝真作遊仙夢不似騷人賦子虛

施元光在崑山病中遠寄長句次韻答之
四海飄蓬客舍邊幾多雲水與風煙絕無旅力驅長
轡空有孤忠誓大川參井忽垂征馬上斗牛應掛故
山前親交情話知何在許請到天涯喜欲顛

次韻趙養民碧虛坐上

已將山色染眉黛更挽江波添酒壘珍重江山勸人
醉笑人騎馬惺惺迴

贛州明府楊同年挽歌詞二首

拱壁溫無類深蘭遠自芳清班孤玉筍薄宦老銅章
傳業麒麟子承家鴻雁行門闌自簪笏吾獨憾堂
憶音龍門化曾容鴈塔陪送迺九閩過迢遞一書來
未報錯刀贈驚傳丹旆迴辰陽隔江渚空此楚詞哀

...

...

...

...

...

...

...

石湖居士文集卷第十六

詩

初發桂林有出領之嘉但病餘便覺登頓

至靈川疫甚自難羸軀乃無一可偶陸融

州有使來書此寄之

桂林獨宜人無瘴右所傳比客守炎官持此以泰然

堂高愜宴坐訟簡容佳眠不計身落南瘴柄三回天

今朝遂出嶺歡呼繫行纏且免脫豐草池魚草躍清

淵那知多病身久靜翻懷安長風蓋蕩與簾箔飄以

翻靈泉路吃蹶僕夫告頰肩我亦頭岑岑中若磨蟻

旌走投破驛宿強飯不下咽茲事未渠央萬里蜀道
難十年故倦游况乃成華顛蠶老當作繭不繭夫何
言

甘棠驛

萬里三年醉嶺梅東風刮地馬頭迴心勞政拙無遺
愛慚向甘棠驛裹來

靈泉驛

驛後有龍惠泉

泉竒無語笑經過欵拊惲鰥秦拙何孤奉明思雖出
嶺勸顏終少汗顏多

嚴關

或謂之炎關桂人守險處朔雪多不入
內外風氣迥殊人以爲也南北限也

回看瘴嶺已無憂尚有嚴關限北州裹飯長欵關外
去車如飛電馬如流

施進士追路出嚴關且寫予真戲題其上
喚渡拜柯瘴水濱嚴關外又逢春神仙富貴俱何
在且作全家出嶺人

與安乳同有上中玉三嚴妙絕南率同僚
餞別者二十一人遊之

山水敷夙好煙霏痼竒懷嚮聞乳洞勝出嶺更徘徊
雪林縞萬季東風和我來華裙繡高原故人紛後陪
繫馬玉溪橋嵌根豁崔嵬蕩蕩碧瑤宮冰泉漱墻隈

芝田溉石液深畦龍所開
我一掬慳類此炎州埃
仍呼輪袍舞醉倒瑞露杯
但恐驚山靈腰鼓轟春雷
薪翁雜餉婦園視歡以咍
茲叢何時鑿閱世幾劫灰
始有此客狂後會真悠哉
南游冠平生已去首猶回
歲月無可紀三洞俱磨崖
會有好事者摩挲讀蒼苔

鍾紫

在安縣五里所奉史祿所作也迎海陽水壘石為壇前銳如鐔衝水分南

北下為湘灘二江功用奇偉子交代李德遠嘗修之

導江自海陽至縣迺彌迤狂瀾既奔傾中流遇鍾紫
分為兩道開南灘北湘水至今舟楫利楚粵徑萬里
人謀效天造史祿所經始無謂奏無人虎鼠用否耳

紫藤纏老蒼白石溜清泚是聞可作社牡酒百世祀
脩廢者誰歟配以臨川李

大通界首驛

愚悃無章敢自欺寸誠玆重吏民知東風重倚庭前
樹送別人情似到時

陳仲思陳席珍李靜翁周直夫鄭夢校追
路過大通相送至羅江分袂留詩為別

相送不忍別更行一程路情知不可留猶勝輕別去
二陳拱連壁僊李瑚璉具周子雋拔俗鄭子秀風度
嗟我與五君曩如栖鳥聚偶投一林宿漂搖共風雨

明發各飛散後會渺何處栖鳥固無情我輩豈漫與
斑荆一炊頃聽此昆弟語把酒不能觴有淚若兒女
脩程各着鞭慷慨中夜舞功名在公等癯儒老農圃
懷桂林所思亭

懷桂林所思亭

簾山奇絕送歸時曾榜新亭號所思桂水祇今湘水
外他年空自四愁詩

羅江

嶺北初程分貧驚心猶自怯晴嵐如何花木湘江上
也有黃茅似嶺南

初入湖湘懷南州諸官

今晨入湖南固土絳以紫厥壤旣殊異風氣當稱此
回思始安城舊籍贅楚尾賁惟荊州隸零陵之南鄙
時雪度嚴關物色號清美儻以土宜觀尚非清湘比
何況引而南焦茅數千里嚮我作牧時客過不停軌
憧憧走官下旣至輒咎悔書來無別語但說瘴鄉鬼
我今幸北轅又念泉君子懷哉千金軀博此五斗米
作詩諷方未南遊可以已車輪儻無角吾詩亦金柅

清湘縣郊外雜花盛開有懷石湖

午行清湘縣妍暖春事嘉紫荆開秣李冥冥一川花
故園豈少此愈百倍加我寧不念歸顧作朱木鷄百

年北窓涼安用天一涯君恩重喬嶽敢計征路賒鄉
心與官身鑿枘方贅牙橘袖走珍貢何如繫匏瓜明
當復路奏天日臨幽遐儻許清江使曳尾還汙邪珠

珠塘

未至清湘
二十里

林茂鳥鳥急坡長驢馱鳴坐輿猶足痺負笈想肩頰
廢廟藤遮合危橋竹織成路傍行役苦隨處有柴荆

題湘山大施堂

山中祖師號無量
壽真身塔在焉

重倚春林淚竹枝南遊風物物鬢成絲難尋桂海千
峯夢更了湘山一段奇來去別無心外法行藏休問
塔中師若論大施門前事竿木逢場且賦詩

清湘驛送祝賀州南歸

海內交情兩斷金離歌倡和俱無音
菴花如雨暮春酒竹箭有筠它日心
萬里書來蜀道易四愁詩成湘
水深田園將蕪各蚕計一棹五湖能見尋

湘清驛送王柳州南歸二絕

南歸北去路茫茫不是行人也斷腸
可惜湘江春夜月落花時節照離觴

我已兼程無脚力君猶追路有難期
從今月不共花下誰復醉吟先和詩

七里店口占

分首暮江寒徘徊立馬看尋常相見易倍覺別離難
不識新編全守支耀卿飲餞七里倅揚仲宣復携具
丹山真跡至深溪酌別且乞余書走筆作此兼寄耀

鄉

店舍煙火寒塵沙亭候遠嬌紅糝芸綠春事亦已晚
年芳去跋跋江水來袞袞故人瀟湘逢留落一笑莞
已張七里飲更出深溪餞草間艷紅粉竹裏趣厨傳
故意如許長由來共鄉縣愧我不能觴負此離歌轉
別愁滿天未不醉何由遣却憶支使君風前白波捲
深溪鋪中二絕追路寄呈元將仲顯二使君

賀州歸去柳州還分路千山輿萬千山把酒故人都
別盡今朝真箇出陽關
祇有南風捲路塵斷無南客送車輪故人合在瀟湘
見却向瀟湘別故人

戲題愚溪

碧湍漱白石汙汙復湯湯既為人所愚安用爾許忙
我昔曾經過重來已三霜無事趺雙足奔走寧非狂
溪流到江平翻笑容路長豈不有歲晚乞身還故鄉

初汎瀟湘

六漿齊飛急下灘碧琉璃上雪花翻越來溪清色如

此只欠磯頭一釣竿

湘口夜泊南去零陵十里矣營水来自營

道過零陵下湘水自桂林之海陽至此與

營會合為一江

我從清湘發來直送湘流入營水故人亭前合江處
暮夜檣竿矗沙尾却從湘口望湘南城郭山川恍難
紀萬壑千巖詩不徧惟有蒼苔痕後齒三年瘴霧
亦竒絕浮世登臨如此幾湖南山色夾江來無復瑤
簍插天起坡陀硤石蹲清漲澹蕩光風浮白芷騷人
魂散若為招傷心極目春千里我亦江南轉逢客白

鳥愁煙思故壘遠遊雖好不如歸一聲鷓鴣花如洗

南臺瑞應閣用壁間張安國韻

衝兩上山頭臨雲看山脚松間一彈指開此寶樓閣

草鞋方費錢佛子不暇握小偈出雷音千古驚猿鶴

湘潭

暮雨檣竿縣一灣長官立馬水雲間風吹江沫浮浮

去在沙頭閉戶閑

長沙楚秀亭

雨從湘西來波動南楚門不知春漲高但怪江水渾
舟行風打頭陸行泥沒鞍且登裴公臺半日心眼寬

舟行風林題嶽麓道鄉臺且堂禁公臺生日心鼎寶
山外江水黃江外蒲城綠城外杳無際天低到平陸
長煙貫楚尾遠勢帶吳蜀故園東北望遊子欄干曲
寄題潭帥王樞使佚老堂

孺子滄浪濯纓處千載新堂來卜隣潦牧無波徹底
靜東湖之水堂中人濠陽花譜勝落下竹西藥欄來
海瀕新篁綠沉桂丹渥嶽立竒石蒼苔斲賞心滿眼
伴閉戶天風夜下扶車輪胷中種蠶妙經濟鬢髮白
雪朱顏春蒼生未佚身未老斯堂未可忘斯民四年
西略可萬世孤撐獨立扛千鈞足馬幡幡恃天日危

言岌岌愁鬼神浮生蚤休信不惡持此欲去非吾聞
客遊瀟湘逢騎吹知公已為蒼生起公今少勞佚者

多湛葦乃可寒江囊

王公自言堂去東湖躡步新得
彭州牡丹揚州芍藥丹桂猫頭

竹并徐氏五
怪石列堂下

相陰橋口市別游子明

馬首欲東舟欲西洞庭橋口暮寒時三年再別子輕
去萬里獨行吾蚤衰遙憶美人湘水夢側身西望劍
門詩老來下灑離亭淚今日天涯老淚垂

竈渚

白魚出水卧銀刀紫筍堆盤脫錦袍捫腹將軍猶未

快棹舡西岸摘篁蒿

大波林

湖路荒寒又險難大千空水我居間
篙師晚始分南北指點青青漢口山

連日風作洞庭不可渡出赤沙湖

金沙堆前風未平赤湖沙邊波下驚
客行但逐安穩去三十六灣漲痕生
澹洲寒食春亦到荻茅深碧萋芽青
泊羅水飽動荆渚嶽麓雨來昏洞庭
大荒無依飛鳥絕天地惟有孤舟行
慷慨悲歌續此些彷彿幽瑟迎湘靈
黃昏慘淡樣極浦雖有漁舍無人声
冬湖

落濡此暫是住春潦怒長隨傭耕吾生一葉寄萬

復搖落浮滄溟漁蠶尚自有常處羈宦方汝尤

寄題瀨江亭

陳季陵瀨州書云新作此亭泉使季正之題其榜要子詩

一水之會新作亭主人文章子黑卿我記斯亭且不

朽十載當與文俱鳴題榜誰歟漢使者風流好事飾

儒雅十生兩君吾故人安得繫馬亭階下鼓旗西征

上奔瀧所思不見心難降瞿塘縱有文鱗雙愛莫致

之章貢江浯溪道中

江流去不定山石來無窮步有勝處水清石玲瓏安
得扁舟繫絕壁卧听漁童吹短笛弄水青山到月明

過盡行人不相識

工部詩 夜泊灣洲大風雨未至衡州一百二十里

阿香攬客眠夜半驅疾雷空水受奇響如從舡底來

嘈嘈兩窓開軋軋風拖開睡魔步辟易耳界愁喧逐

有頃飄驟過灘声獨鳴哀燈婢囊衣篙師理檣桅煩

擾到明發材鷄亦啾啾

泊衡州

客裏仍哦對雨吟夜來星月曉還陰空江十日無春

事舡到衡陽柳色深

步入衡山

應有人家住隔溪綠陰亭午但聞雞松根當路龍筋

瘦竹筍漫山鳳尾齊墨染深雲猶似瘴絲來小雨不

成泥更無騎吹喧相逐散誕閑身信馬蹄

重遊南嶽

焚香鎮殿過銓德觀醮注生祠
虎觀道居玉符玉七及八角玉

印經方四寸許文曰注生真居玉印雨中
登山遊南臺福嚴至瑞應擲鉢天桂諸峯

之上寒甚病哀
不至上封而返

捨舟得馬如馭氣步入青松三十里我從蠶嶺瘴煙

來不怕雨雲埋嶽趾憶昔南征欵廟庑往來無恙神

所祉當時已有歸田願帝臨此心如白水煌煌南正

館於東手握八觚温玉璽駁奔瀟霍左右輔好生不

殺扶炎紀崇禋竣事曉壇空躋攀小試青鞵底不知
雲磴幾千丈但見漫山白龍尾石頭招我上南臺瑞
應欄干天半倚福嚴鍾聲過橋來髻髻三生如夢裡
堂中尊者已先去苔鎖巖扉何日啓行嫌磽确老逾
瘦松畏高寒蟠不起癯儒尚病怕深登幽討未窮行
且止我評七十二高峯鬱律穹窿少觀美儼然可瞻
不可玩往。雄尊如負宸乃知嶽鎮蓋深厚不與它
山爭秀偉區。獻狀眩兒童乳洞淡巖真戲耳

四明人董嶧久居嶽市乞詩

祝融峯下兩逢春雨宿風食老病身莫咲五湖萍梗

客海邊亦有未歸人

三月十五日華容湖尾看月出

雲銷澧陽風月生岳陽水誰推赤金盤湧出白銀地
徘徊忽騰上蹠蹠恐顛墜稍高輪漸安飛彩到蓬背
晶晶浪皆舞鬢星欵避堯羅世界網普現無邊際官
居東戶庭有眼如幻翳向非行大荒寧有此巨鹿乘
除較得失漂泊非左計妻孥就驩譁渠亦知許事

釣池口阻風迷失港道

回風打船失西東拖癡擄弱無適從三老號呼鐵纜
隆招頭搥鼓驅魚龍千篙撐折栢文斷日暮稍與洪

相通推移尋尺力千里時有黃帽來言功康莊大達
世不乏乃獨蹇產濤波中一官橫起險易相剝那憂
喜隨兒童漲湖連天遠目斷且復加飯追萍蓬團蒲
坐暖看香篆作止任滅如頑空

鼎河口枕上作

漂泊離巢燕鸞跼負殼蝸瘦嫌莞席硬老覺
畫屏奢報道帆當落傳呼鼓已擗且投人處宿
未到已聞臺

安鄉縣

水闊鳥鳥倦墟寒僮僕飢一灣村縣過百折暮江蓮

曉夢孤燈見春陰病骨知簡書寧不畏旅力奈先疲

澧陽江

順流下沅江沂流上澧浦水深蘭芷寒漂搖憚風雨
采采不盈匊何由寄遠渚洞庭浮天白遐矚莽吳楚
有懷獨晤歎擄聲與人語暮夜即維舟蒼茫定何許
澧浦
第岸齊齊似碧城江舡罨岸逆風行茅蕪白芷俱憔悴
惟惟有萋蒿滿意生

澧江漁舍

安鄉澧陽之間自兵
火後瘡殘猶未復

狡窟空來四十年沿江猶自少炊煙茫茫曠土無人

問蘆荻春深綠滿川

孫黃渡

自此登陸至公安渡舡過沙頭

捨舟從陸更間關徑仄仍荒亦未乾棘刺近人牢閉
眼泥塗兀馬緊扶鞍奈山盜藪路程惡麥隴人家懷
抱寬擔撲輿夫盡劬瘁病翁那得更加餐

舟橫攸河水馬滑潺陵道

百里無鉏犁閑田生春草
春草亦已瘦栖栖晚花少落日見行人愁煙沒孤鳥
老翁雪髯鬢鬢生長識群盜歸來四十年墟里跡如掃
莫訝土毛稀須知人力槁生聚何當復茲事恐終老

人言古戰場瘡痍粹難療誰使至此極天乎吾請禱

將至公安

前村後村啼杜宇伴人憂煎與入語雲寒日簿春一
夢地闊天低淚如雨我馬虺隤我僕痛豈不懷歸畏
簡書公安縣前酒可沽不如且聽提葫蘆

公安渡江

食罷雨方作起行泥已深畔愁多楚些吟病獨吳音
莫怨馬蹄滑須愁蠶事侵梅黃時節是未可決晴陰

荆渚堤上

原田何萋萋野水亂平楚大隄少人行誰與執耒黍

獨木且百歲翫麟立水滸當年識兵燼見赦幾樵斧
摩挲欲問訊恨汝不能語薄春有底忙沙頭聽鳴榔
渚宮野步題芳草

草色沐新雨綠潤如得意披拂欲生煙萋萋着巾袂
天涯各秀春秦吳千萬里故人攀桂枝今夕念游子

發荊州

自此登舟
至夷陵

初上蓬籠竹竿舡始知身是劔南官沙頭沽酒市樓
暖徑步買薪江墅寒自古秦吳稱絕國如今歸峽有
名灘千山萬水垂垂老只欠天西蜀道難

虎牙灘

又名金門十
二倍屬夷陵

傾崖溜雨色慘淡水墨畫辛夷碎花懸槐木老藤掛
翠莽楚甸窮黃流蜀江下一灘今始窺三峽此其亞
雨點鼓士搯雲騰挽夫跨驚心度石林破眼見村舍
牛眠草色裏犬吠竹林鏗步頭可檣舡安穩睡殘夜

峽州至喜宇

斷崖卧水口連崗抱城樓下有吳蜀客檣立竿滄州
雨後漲江急黃濁如潮溝時見出峽舡鏡鼓譟中流
適從稠灘來白狗連黃牛渦漬大如屋九死爭舡頭
人鮮尚脫免虎牙不須憂

初入峽山效孟東野

自此登陸
梯至歸

峽山偏而峻峽泉湍以碕峽草如毳毛峽樹多膠枝
峽禽惟杜鵑血吻日夜啼峽馬類黃狗不能長鳴嘶
峽曉虎跡多峽暮人跡稀峽路如登天猿鶴不敢梯
僕夫負喘哭我亦呻吟悲悲吟不成章聊賡峽哀詩

土門

汙泥泊峻阪狼石卧中路睥睨無敢前赳赳妻却顧
長繩引藍輿前輓後推去吏士更叫號作氣欲飛度
顛陸較分寸商略營頭步須臾氣亦竭一一汗如雨

桃花鋪

老巖漫山鳳尾張青楓直幹如橫槍山深嵐重鼻酸

楚石惡淖深神慘傷陰崖風生吹客急草中枯株似
人立眈眈卓幕先下程將士黃昏始相及

覆盆嶺

三登三降崗始斷一步一休日欷斜濁酒半瓶不得
暖覆盆有鋪無漿家

小望州

峯頭高絕鄰四瞰若窺井小山萬蟻蛭大山拊其頂
叢宵一握近對風振衣冷似聞天人語笑我雪垂領
曩侍玉案香委珮太清境獨下赤城戲俯仰一枰頃
豈其厭晨華嗅此腥腐鼎揮手謝天人伶俜愧孤影

來償爾足債尚欠界天嶺老矣且勸遊歸斯未可請
大望州
望州山頭天四低東瞰夷陵西秭歸峽江微茫細如
帶江外千峯青打圍黃牛廟磯石如劈想看驚湍虎
鬚白水行陸走俱儉難安得如鳥有羽翼

一百八盤

疇昔亂桂林自謂已出嶺蛻蟬蠻煙中恍若醉夢醒
今來峽山路步步躡雲頂仍聞蚯蚓瘴願與嶠南等
平生行路難驚兀浪漂梗迷塗滋益遠鳥道人非境
老矣法當佚壞哉跡可屏拜手天東南亟上歸田請

火墨坡下嶺

清晨入岑蔚嵐重寒颼颼忽聞黃鸝語方悟麥始秋
旅食法當瘦遠行人所愁况復深山中不與叶氣游
苦辛那敢憚病悴良可憂徒憂亦無益聊作商聲謳

八場平聞猿

清猿冷冷鳴玉簫三聲兩聲高樹梢子母聯拳傳技
去忽作哀厲長鳴號天寒林深山石惡行人舉頭雙
淚閣雪澗琴心未足悲須寫峽中腸斷時

琴曲有雪澗聞猿

鑽天三里

非崗非嶺復非坡黃鵠不度吾經過妻孥下行啼且

笑聯手相携如踏歌風吹汗乾人力盡殺齒與石方
相磨鑽天三里似千里四十八盤將柰何

蛇倒退

山前壁如削山後崖復斷羸吾遠隴首如海到彼岸
那知下嶺處標甚復冰戰牽前帶相挽絕後衣盡綻
健倒輒尋杖徐行塵分寸上疑綠竹竿下劇袞全彈
豈惟蛇退舍飛鳥望崖反稍喜一徑平猶有千石亂
仍逢新燒畬約略似耕畔心知人境近顰耒百憂散
山民草數把鬼質犢子健嘗饒走迎客再拜復三歎
謂匪人所蹊官來定何幹儻為飢火驅平地豈無飯

意者官事迫如馬就羈絆我乃不能吞付以一笑粲

大丫隘

峽行五程無聚落馬頭今日逢耕鑿麥苗踈瘦豆苗
稀椒葉尖新拓葉薄家家婦女布纏頭背負小兒領
垂瘤山深生理却不乏人有銀釵一雙插

石湖居士文集卷之第十六

石湖居士文集卷第十七

麻線堆詩

麻線堆

峽口驛前大山壑起舊露攀援而上榮紆如線十五年前浮圖德寶

始於澗伐木作新路不復登山余觀峽路皆未嘗經修感德寶之事作麻線堆詩一首以風夔路使者及歸峽二州長吏沈秉管熊四君

雲木盪曾起藹我一峯危上有路千折纏繞如榮絲

是為麻線堆厥險天下稀偏仄客半足顛隆寧復稽

騰隸尚愁苦游子將安之浮屠德寶者悲智緒等慈

隨山刊古木尋壑得長磯與梁捷飛度布石綿階梯

自從新路改重趺無齋谷縣有孫少府琬琰刻文詞

勿云此事小惟有行人知况觀峽山路由來欠平治
官吏既弗跡誰肯深長思天險固自若當今略成蹊
土工運畚鍤石土操鑿推烈火敗磽确築沙填隙巖
多用百夫力遠無五旬期但冀米監給不煩金幣支
非客敢竊議道傍詢旄倪身雖雷山戍亦願助毫釐
工費嗟小哉政須賢有司東有管夷陵西有葉梯歸
上維沈隱侯夔臺今吏師下維熊繹孫長材佐州麾
豈吾金閨彥不如林下緇懸知議克合了此一段奇
舟檝避潢潦置郵疾飛駝憧憧吳蜀客來往當無時
仍磨鑽天石大書四賢詩不佞願秉筆遠繼峽口碑

戲書麻線堆下

一身半世走奔波疑是三生宿債多折券已饒麻線
嶺責儻難免竹竿坡

胡孫愁

傾崖當曾石齧足失勢毛髯槁幽谷王孫却走斷不
到惟有哀猿如鬼哭僕夫酸嘶訴途窮我亦付命無
何中悲風忽來木葉戰落日虎嘯枯竹叢

判命坡

鑽天嶺上已飛魂判命坡前更駭聞側足二分垂懷
磴舉頭一握到孤雲微生敢列千金子後福猶幾萬

石君早晚北窓尋噩夢故應含笑老榆枌

千石嶺

晨光桂高嶺晴色媚遠客哀湍吼叢簿宿霧臬絕壁
露重薊花紫風來蓬背白迷塗朴渥跳飲澗於菟跡
層嶺多折木迤磴有飛石不知山幾重香入叢碧

九盤坡布水

莫惜榮迴上九盤洗心雙瀑雪花寒野翁酌水煎茶
獻自古人來到此難

荒口

十步九吃蹶百夫半搬跚豁然鳥道窮努力造其巔

謂是嶺頭了一峯復當前既無反顧法仰望心茫然

四十八盤

詰曲不前如宦拙歌傾當面似交難若將世路此山
路世路更多千里盤

紫荷車

峽山此藥甚多

緣英吐弱線翠葉抱脩莖蠹如青旄節草中立亭亭
根有却无藥鱗皴友松苓長生暇學聊冀病身輕

錦帶花

東南甚珍此花峽中漫生山谷

妍紅棠棣粧弱綠薔薇枝小風一再來飄颻隨舞衣
吳下嫵芳檻峽中蒲荒陂佳人墮空谷皎皎白駒詩

入秭歸界

山根繫馬得漿家，采入窮鄉事可嗟。
蚯蚓崇人能作瘴，菜萸隨俗強煎茶。
幽禽不見但聞語，野草無名都著花。
窈窕崎嶇殊未艾，去程方始問三巴。

早發周平驛過清烈祠下

屈平祠也祠前有獨醒亭

物色近人境，喜歡嚴曉裝。
山月鷄犬聲，野風麻麥香。
登嶺既開豁，入林更清涼。
三呼獨醒士，儻肯醕我觴。

白狗峽

陸路亦自峽上過西岸有玉虛洞

江紋圓復破，樹色昏還明。
連灘竹節稠，洶怒奔夷陵。
石磯鐵色頑，相望如姦朋。
踞岸意不佳，當流勢尤獍。

山回水若盡，但見青玲峩。
慘慘疑鬼寰，幽幽無人聲。
顛沛安危機，難艱古今情。
俯窺得自眩，却立恐神驚。
白雲冒巖扉，下維玉虛庭。
神仙坐閱世，應笑竹人行。

秭歸縣

周封楚子熊繹于此縣字宋王宅東清烈祠屈原宅山也

永日貪程客，長年吊古詩。
悲秋荒故宅，負石慘空祠。
峻壁鷓鴣倦，高畬麥秀遲。
窮山熊繹國，偏仄建邦時。

歸州竹枝歌二首

東隣男兒得湘纍，西舍女兒生漢妃。
城郭如村莫相笑，人家伐閤似渠稀。

東岸艤船拋石門，西山炊煙連白雲。
竹籬茅舍作晚

市青蓋黃旗稱使君

昭君堂

在與山界中鄒人憐昭君築臺望之下有香溪然三峽女子十人九瘦

天生态物元無種萬里巴村出青塚高臺望思臺已
荒東風漲溪流水香嬋娟鍾美空萬古翻使鄉山多
醜女多眉作癩亦不須人人有瘦如瓠壺

人鮪甕

在歸州郭下長石截然搖江三之二水盛時潰淖極大號峽下最險處東

岸即屈原宅自此復登舟至巫山

懷沙祠不鐵色磯中流東湍張禍機與齋俱入彼可
吊乘流而行吾亦危江河難犯一至此天地好生安
取斯朝歌勝毋古尚諱我其覆醢航秭歸

巴東峽口

水宿頻歎側徒行又險難舟危神女峽馬瘦鬼門關
照夜燒畬隴綠雲種竿山催成頭雪白休說鬢絲班
初入巫峽

鑽火巴東岸攬金峽口船東江崖欵合漱石水多漩

卓午三竿日中間一罇天偉哉神禹跡疏鑿比山川

將巫至山遇雨

數日快晴水落丈餘舟人方以為喜雨作即水又長矣

峽行水落惟憂雨通昔淋浪怨行旅千山萬山生白
煙陽臺那得雲如許牋詞騰告翠帷僊句我一晴翻
手間放開十二峯頭色重賦碧叢高插天

巫山高

并叙

余舊嘗用韓無咎韻題陳季陵巫山圖考宋玉賦意
辨高唐之事甚詳今過陽臺之下復賦樂府一首世
傳瑤姬為西王母女嬭佐禹治水廟中石刻在馬
濕雲不收煙雨霏峽舡作灘稍廟磯杜鵑無聲後叫
斷惟有飢鴉迎客飛西真巧高佐禹跡斧鑿鱗皴倚
天壁上有瑤簪十二尖下有黃湍三百尺蔓花蚪木
風煙昏蘚珮翠帷香寒香火靈旂飄忽定何許時有
行人開廟門楚客詞章元是諷紛紛餘子空嘲弄玉
色頽頽不可干人間錯說高唐夢

刺瀆淖

并叙

瀆淖盤渦之大者峽江水壯則有之或大如一間屋
相傳行水峽底遇暗石則瀆起已而下旋為窩然亦
未嘗有定處或無故突然而作叵測也每行遇之小
則欹傾大則與齋俱入險惡之名聞天下

峽山饒暗石水狀日千變不愁灘瀧來但畏瀆淖見
人言盤渦耳夷險顧有間仍於非時作未可一理貫
安人方熨穀無事忽翻練突如湯鼎沸翕作奈磨旋
勢迫中成窪怒霽外始暈已定稍安尉儵作更驚眩
漂漂浮沫起疑有潛鯨巽勃勃駭浪騰復恐蟄螯抃

篙師瞪視魄灘戶呀雨汗遂巡快大敵勇往決鏖戰
幸色與齊入還憂似蓬轉驚呼招竿折奔採竹竿斷
九死舡頭爭萬苦石上牽旁觀乾薄水撒過捷飛電
前余叱馭來山險固牽徧今者繫撤抵言豈復憚波面
澎澎三峽長颯颯一葦亂旣微掬指忙又匪科頭慢
天子賜之履江神敢吾玩但催疊鼓轟鞞往助雙檣健
峽山江濱亂石萬狀極其醜怪不可形容舉非世間
諸所有石之比走筆戲題且以紀異
峽山狠無情其下多醜石頑質賈憎垂傀狀發笑啞

嘲峽石 并叙

鹿麕類墳壤黃沉漬鐵矢黑或如溝泥凝或似凍壁折
堆疑聚廩粟墜若壞城甃搓牙鏤朽木狼藉委枯骼
礪砢包羸蚌淋漓錮鉛錫縱紋瓦溝隴橫疊衣摺襞
鱗皴斧鑿餘坎窞蹴踏力云何清淑氣孕此譎詭跡
我本一丘壑嗜石舊成癖端溪紫琳腴洮河綠沉色
階冊截肪膩泗磬鳴球擊嵌空太湖底偶立韶江側
真陽剗千巖營道剗寸碧倦遊所閱多未易一二籍
竭來茲山下刺眼昔未覲或云峽山材奇秀鬱以積
絕代昭君村驚世屈原宅東家兩兒女氣足豪萬國
山石何重輕奚暇更融液我亦味其言作詩曉行客

勞畬耕 并叙

畬田峽中刀耕大種之地也春初斫山叢木盡蹶至
當種時向有雨候則前一夕火之藉其灰以糞明日
雨作乘熱土下種即苗盛倍收無雨反是山多磽确
地方薄則一再斫燒始可藝春種麥豆作餅餅以度
夏秋則粟熟矣官輸甚微巫山民以收粟三百斛為
率財用三四斛了二稅食三物以終年雖平生不識
杭稻而未嘗苦饑余因記吳中號多嘉穀而公私之
輸碩重田家得粒食者無幾峽農之不若也作詩以
勞之

峽農生甚艱斫畬大山巔赤填無土膏三刀財一田
頗具冗居智占雨先燎原雨來亟下種不爾生不蕃
麥穗黃剪豆苗綠芊芊餅餌了長夏更遲秋粟斂稅
畝不什一遺秉得屢食何曾識杭稻捫腹常然果我
知吳農事請為峽農言吳田黑壤腴吳米玉粒鮮長
腰瓠犀瘦齊頭珠顆圓紅蓮勝彫胡香子馥 蘭

或收虞舜餘或自占城傳早私與晚穰濫吹甌獻間

長腰米秧長亦名前子齊頭白圓淨如珠紅蓮色微

赤香子亦名九里香斗來日數合作飯芳香清紫舜

玉稻焦頭無鬚俗傳薯腹燒種以與之占城種來不

自海南檳種秬禾價最賤以上皆吳中米品也
辭春養禾但畏秋輸官姦吏大雀鼠盜胥衆螟蟻掠

剝增釜區取羸折緡錢兩鍾致一斛未免催租癩重
以私債迫逃屋無炊煙晶晶雲子飯生叅不下咽食
者定游手種者長流涎不如峽農飽豆麥終殘年

巫山縣

自此復登陸至夔門縣前掉石灘最險登岸以過舟謂之盤灘城樓

曰高流唐門此去瞿唐不百里縣人以郭西流石堆為水信流石沒則灩澦如馬矣

借馬巫山縣盤舟掉石灘梅肥朝雨細茶老暮煙寒
門對高唐起江從灩澦難流堆三尺在旅夢一枝安
自巫山遵陸以避黑石諸灘大雨不可行
泊驛中一日吏士自梯婦陸行者亦會

巫山信是陽雲臺客行五日雲不開陰晴何掌有朝
暮夜雨少休明復來今朝水長不知數沒盡山根蒼
石堆東磯西磯盡如削大灘俱若雷不知瞿唐復何
似想見萬頃滄一杯祗今水劑已壯矣聞道陸程尤
艱哉摩圍隘口石生角蹋颯坡前泥似醅眼前安得
故園路江沙江草便青鞋

魚子坡

大山如墻缺小山如塚纍衆山直下看方知此峯危
木末見夔峽一溝盍春泥中有天下嶮造化真兒嬉
峯頂不滿笑舟中鬢成絲登高尚超覽况乃絕俗姿

鬼門關

天作隴頭石闕人言要隔塵樊百年會湏作鬼無事
先穿鬼關

離巫山後晴午後入瞿唐關憇高齊半日
一昨題詩訴苦霖果然連夜卷曾陰盡收行雨瑤姬
賜不徇世情巫峽心喜鵲滿枝朝日淡衣猿何處宿
雲涿水門山徑高齊外一枕清風屏萬金

色延山往高齊次水門者

灩澦堆

灩澦之石誰剗鐫惡駭天下形眇然客行五月潦始
張但見馬匹浮黃湍時時吐沫作瀆淖瀟瀟有聲如

粥煎蜀江西來已無路鑿山作澮方成川瞿唐之口
狹如帶乃款納此江漫漫奔流下赴故偏仄汝更爭
道當其前舟師款傾落膽過石孽水福吁難全山川
丘陵皆地險惟此險絕餘難肩東坡筆端喙三尺顧
與作賦評嘲喧云非此石峽更怒白頭忽作傾城妍
我從巫山飛一棹歡喜偶脫皎龍涎是非信否未暇
詰且上高齋清晝眠

夔州竹枝歌九首

五月五日嵐氣開南門競舡爭看來雲安酒濃趨未
賤家家扶得醉人迴

赤甲白鹽碧叢叢
半山人家草木風
榴花滿山紅似
火
荔子天涼未肯紅
新城果園連壤西
枇杷壓枝杏子肥
半青半黃朝出
賣
日午買鹽沽酒歸

瘦婦趨墟城裏來
十十五五市南街
行人莫笑女麤
醜兒郎自與買銀釵

白頭老媪簪紅花
黑頭女郎三髻丫
背上兒眠上山
去採桑已閑當採茶

百衲畬山青間紅
粟莖成穗豆成叢
東屯平田秔米
軟不到貪人飯甑中

白帝廟前無舊城
荒山野草古今情
只餘峽口一堆
石恰似人心未肯平

艷潏如樸瞿唐深
魚復陣圖江水心
大昌鹽船出巫
峽十日泝流無信音

當筵女兒歌竹枝
一聲三疊客忘歸
萬里橋邊有舸
到繡羅衣服生光輝

雲安縣

春暮子規少日斜
紅鷓飛兩山多布水
一島幾柴扉
蚓吐無窮壤人行
不斷磯巴陽昨夜
雨灘上已先肥

杜子美詩云浩萬無杜鴈而雲安已自少矣紅鷓飛時滿州界固有

背純赤或云即黃鶴也峽中蚯蚓之盛無如雲安江
許者杜子美詩云禹功多斷石其實甚
長兩山間雨後瀑泉數十百處尤可觀

萬州自此後登陸州號南浦郡

晨炊維下巖晚酌犧南浦波心照州榜雲脚響衙鼓

前山如屏墻得得正當戶西江朝宗來循屏復東去

此萬州形勢也惟親歷者當知此言之官曹倚巖棲市井喚舡渡瓦屋仄

石磴猿啼聞人語剔核杏餘酸連枝茶賸苦窮鄉固

瘠薄陋俗亦寒窶夫賣杏皆先剔其核取人以為菓也土茶甚苦不簡枝葉雜茶更煎之

營營謀食艱寂寂懷輒訴昔聞吏隱名今識吏隱處

橫溪驛感懷

行徧天涯與地偶筋骸那比十年初朱顏有酒且留

住白髮無方能掃除未得歸田先作賦專攻種樹已

成書祇今飛到南山下猶解清晨出荷耒

午夜登嶓山

瘴暑嚴夜乘涼躡危嶠猿依黑林號鬼閃青炬嘯

驚鳥動危葉吟蟲滿荒草泉聲遠相隨山色近如杳

夢猶風燈前身已雲木杪浮生固有後遠道何時了

宣惟失寢興亦自倒昏曉恭惟天心仁頗議民力搞

我懷漢制詔來尉蜀父老熙如春臺登沃若時雨膏

須知簡書急勿厭葦食早但勤筆力淬時助詩腸攪

峽石鋪縣萬州至此山頂皆有長石如城壁亘數峯不斷峽山至是亦稍開

廣間有稻田

峯頭壁立偉天造萬雉石城如帶繞山骨鱗皴火種
難山下流泉却宜稻新秧一稜綠茸茸茅花先秋雪
搖風后皇嘉種不易熟野草何為撻歲功

蟠龍嶺自峽歸夔萬至于梁山五郡間不知其幾嶺梁山之蟠龍峯門尤為

高峻然下嶺即有平陸吏卒皆相賀云

夷陵至胸 復嶺若絲亂初程尚勇往少日還委頓
安得長劍揮盡剗疊嶂斷雖云北山愚聊快南冥運
此意竟蕭索勞歌謾淒曼日日望平陸念念到彼岸

人言束馬險但欠蟠龍峻摧頽強弩末閔勉焚舟戰
避如已償逋猶有木折券山根治曉 峰頂寄朝飯

稍脫蚓瘡染還探虎窠玩性命乃可憂筋力何足算

嶺半塗有殿頭山以形得名其上多驚獸土人謂之虎窠

蟠龍瀑布自山頂漫汗淋漓分數道而下

望之宛從天降當為域中布水第一

銀漢來從左界天天風吹浪落蒼巔人間只見秧田
潤喚作蟠龍洞裏泉

峯門嶺遇雨泊梁山

窮鄉誰與話悲酸駐馬看雲強自寬酒力無端妨宿

病詩情不淺任塵官虎狼地僻炊煙晚風雨天
木寒行盡峯頭千萬丈梁山鼓角報平安

邠州驛大雨

暮雨連朝雨長亭又短亭今朝騎馬怕明日繫舡聽
竹葉垂頭碧秧苗滿意青農疇方可望客路敢遑寧

墊江縣屬忠州

青泥沒髀僕頻驚黃漲平橋馬不行舊雨雲招新雨
至高田水入下田鳴百年心事終懷土一日身謀且
望晴休入忠州爭米市暝鴉同宿墊江城

中子山又雨

百日藍輿困跼踟三晨泥坂兀躋攀晚晴幸自墊江
縣今雨柰何中子山樹色於人殊漠漠雲容憐我稍
班班如今只憶雪溪句乘興而來興盡還

鄰山縣

山頂噓雲黑似煙脩篁高柳共昏然鳥啼一夜勸歸
去誰道東川無杜鵑

沒水鋪晚晴月出曉復大雨上漏下濕不

堪其憂

晚色熹微暖似薰兒童歡足走相聞無端星月照濕
土依舊山川生雲雨

吳諺曰星月照濕土明朝依旧雨蓋
雨後微晴星月粲然必復雨占之每

驗
旅枕夢寒泠屋漏征衫潮潤冷鑪薰快情信是行
人願又恐田家暴背耘

金山嶺

阪峻身頻偃崖深首屢回雲浮平地出路拂半天來
但閱關山過都忘歲月催湘南初上馬猶插早春梅
山更重雲明日至鄰水又雨

昨日方無雨今朝又不晴滿山皆履齒隨處有泉聲
頗怪陰霖差應催老病成泥塗千騎士與我共勞生

殘夜上峯頂上

片月挂高嶺我行至其巔舉手欲攬擷恐驚乘鸞僊

菲菲桂香動肅肅露脚寒北斗已到地南斗猶闌干
但聞浮黎音來從始青天大星與之俱曉色明旗旛
素煙渺陸海中有人所寰想見地上友啓明膏火煎
星落玉宇白日生綺霞丹冰論未肯去相看尚團團

望鄉臺

千山已盡一峯孤立馬行人莫疾驅從此蜀川平似
掌更無高處望東吳

早晴發廣安軍晚宿萍池村莊

夜雨洗煩蒸曉風薦清穆雲頭墮鐵山日脚迸金瀑
暑塗一日涼遠客萬事足羈人正奔沒觀者何陸續

翠蓋立嚴粧青裊行跣足俗陋介南徼物華入東蜀
竹萌苦已青荔子酸猶綠脩蘆密成籬直栢森似纛
泥乾馬蹄鬆路坦亭堠速暮投何人莊窻戶暗脩竹
巴蜀人好食生蒜臭不可近頃在嶠南其
人好食檳榔合蠣灰扶留藤一名萋藤食
之輒昏然已而醒快三物合和唾如膿血
可厭今來蜀道又爲食蒜者所薰戲題

旅食諳殊俗堆枿駭異聞南食仄薦蠣巴饌菜先輩
幸脫萋藤醉還遭葫蒜熏絲萋鄉味好歸夢水連雲

嘉陵江過合州漢初縣下

井徑東川縣山河古合州木根擎斷岸急雨沸中流
關下嘉陵水沙頭杜老舟江花應好在無計會江樓
新晴行鄭水上與涪江相近

泥初乾雨不落日色未出暑光薄畏途得晴天復
真是腰錢更騎鶴渾渾鄭水流未平悄悄沿江如
鏡清過盡江沙穿麥隴忽有青蛸扶葉鳴

小溪縣屬遂寧

麥千平隴橫槎一小溪梓花紅綻碎粟穗綠垂低
村婦猶多跣山猿遂少啼東州雖已過錦里尚雲西
葦山道中感懷

侍臣筆橐舊西班大將麾幢又百蠻
挂席南箕宿昔事閃旗東井何時還
日增衰病復一日山隔舊遊知
幾山倦拂盤陀蒼石坐歸心聊與石俱頑

曉發飛鳥晨霞滿天少頃大雨吳誤諺云

朝霞不出門暮霞行千里驗之信然戲記

其事

朝霞不出門暮霞行千里今晨日未出曉氣散如綺
心疑雨再作眼轉雲四起我豈知天道吳農諺云爾
古來占霧電說者類恢詭飛雲走群羊停雲俗三稀
月當天畢宿風自少女起爛石燒成香汗礎潤如洗

逐婦鳩能拙穴居狸有智蜂蟬強知時

與聞計

埴鳴東山鶴堂審南柯蟻或加陰石鞭或議陽門閉
或云逢庚變或自換甲始刑鵠與象龍聚訟非一理
不如老農諺響應捷如鬼哦詩敢夸博聊用醒午睡

遂寧府始見平川喜成短歌

峽之西遂之東更無平地二千里惟有高山三萬重
不知誰人鑿混沌獨此融結何其工我本江吳弄水
月忽來踏徧西南峯不知塵界在何許但怪星辰浮
半空直疑飛入蝶夢境此豈應有人行蹤今朝平遠
見城郭云是東川軍府雄原田坦苦看掌上沙路淨

如行鏡中芋區粟壠潤含雨楮林竹徑涼生風將士
驩呼馬蹄快康莊直與錦里通羊羊崎嶇得夷路笑
未暇憐飄蓬

石湖居士文集卷第十七

石湖居士文集卷第十八

詩

九月九日衙教回留大將及幕屬飲清心

堂觀晚菊分韻得譟暮字

暮字
樂府

作

甲光射曾雲雨脚不敢到西山明古雪秋日一竿照
先偏井絡密後拒參旗掉分弓滴博平鳴劔伊吾小
君看天山箭孤兔何日了開邊吾豈敢自治有餘巧
歸來翠帷卷聊共黃花笑雖無落帽風亦復接羅倒
餘間校筆陣刻燭龍蛇掃毛錐乃更勇我亦鼓旗譟
冬至日銅壺閣落成

走徧人間行路難異鄉風物雜悲歡三年北戶梅邊
暖萬里西樓雪外寒已辦鬢霜供歲籩仍拚驛肉了
征鞍故園雲物知何似試上東樓直北看

十二月十八日海雲賞山茶

追趁新晴管物華馬蹄鬆快帽簷斜天南臘盡風稀
雪冰下春來水漱沙已報主林催市柳仍從掌故問
山茶豐年自足驪聲沸更着牙箭畫鼓撾

雨後東郭排岸司申梅開方及三分戲書

小絕令一白開燕

雨入南枝玉蘂斂合江雲冷凍芳塵司花好事相邀

勒不着笙歌不肯春

鞭春微雨

旛勝絲絲雨笙歌步步塵一年新樂事萬里未歸人
雲薄竟慳雪酒濃先受春送寒東作近慚愧耦耕身

綠萼梅

朝罷東皇放玉鸞霜羅薄袖綠裙單貪看脩竹忘歸
路不管人間日暮寒

玉茗花

折得瑤華付與誰人間鉛粉弄粧遲直須遠寄驂鸞
客鬢脚飄飄可一枝

張正字母大人朱氏挽詩

蘋藻儀邦媛詩書了歲華
籛金寧遺子辟玉竟傳家
厚施心無數浮生自有涯
空餘報恩子三載亦苴麻

十二月二十四日西樓觀雪

一夜珠簾不下鈎
徹明隨雪上西樓
瑤池萬頃崑崙
近玉壘千峯滴博收
已報春迴南畝潤
從教寒勒北枝愁
四邊都為豐年醉
錄事何須較酒籌

丙申元日安福寺禮塔

成都一歲故事始於此士女大集拜

塔下燃香掛燈旛以禳兵火之災

嶺梅蜀柳笑人忙
歲歲椒盤各異方
耳畔逢人無魯

語蜀人鄉音極難解其為京洛音輒謂之虜語或是借偽時以中國自居脩習至今不改也既又諱之

改作魯語尤可笑姑就其字鬢邊隨我是吳霜
新年後飲醪酥酒

故事先燃宰堵香石笋新街好行樂
與民同處且逢

場余新甃石笋街

初三日出東郊碑樓院

故事祭東軍因宴此院蜀人皆以是日拜掃

遠柳新晴暝紫煙
小江吹凍舞清連
紅塵一闕人歸後
跼跼飢鳶感紙錢

郊外閱驍騎剪柳

亦曰槎柳

千騎同瞻白羽揮
驚塵一闕響金鞬
不知掣電響弓
過但覺柳梢隨箭飛

初四日東郊觀麥苗

去歲秋霖麥下遲
臘殘一雪潤無泥
相將飽喫噉沱
飯來聽林間快活啼

櫻桃花

借暖衝寒不用媒
勻朱勻粉最先來
玉梅一見憐癡
小教向傍邊自在開

再出東郊

晚景增年慣官身
作客諳大都綠
偶熟豈是惟能堪
昔者開三徑它時老
一龕越溪親種竹
芸綠想氈氈

三月二日北門馬上

新街如拭過鳴騶
芍藥餘醺醺滿頭
十里珠簾
上少城風物似揚州

上巳前一日學射山萬歲池故事

北郊征路記前迴
三尺驚塵馬踏開
新漲忽明多病
眼好風如把及時
杯青黃麥寵平平
去踈密楨林整
整來游騎不知都
幾許長堤十里轉
輕雷

上巳日萬歲池坐上呈程詠之提刑

濃春酒暖絳煙霏
漲水天平雪浪遲
綠岸翻鷗如北
渚紅塵躍馬似西池
麥苗剪剪嘗新粳
梅子雙雙帶
折枝試比長安水
邊景祇無飢客爲題詩

新作錦亭程詠之提刑賦詩次其韻二首
飛鴻御子謾紛紛萬里西遊始識真
不管吳霜微點鬢
來看蜀錦爛爭春
倚攔定有司花女
秉燭仍留主
夜神異縣賞心誰與共
故人新作坐中賓

又

小築聊耑草棘荒
遊人錯比召南棠
花邊霧鬢風鬟滿
酒畔雲衣月扇香
燦爛吟牋煩索句
淋漓醉墨自成行
報章遲鈍吾衰矣
終日冥搜謾七襄

錦字燃燭觀海棠

銀燭光中萬綺霞
醉紅堆上缺蟾斜
從今勝絕西園

夜壓盡錦官城裏花

寶相花

誰把柔條夾砌栽
壓枝萬朶一時開
爲君也著詩收
拾題作西樓錦被堆

三月二十三日海雲摸石

勸耕亭上往來頻
四海洋浮老病身
亂插山茶猶昨
夢重尋池石已殘
春驚心歲月東流
水過眼人情一
闕塵賴有貽牟堪
飽飯道逢田畷且
眉伸

四月十日出郊

約東南風出曉忙
收雲捲雨一川涼
漲江混混無聲

綠熟麥騷騷有意黃吏卒遠時閑信馬田園佳處忽
思鄉隣翁萬里應相念春晚不歸同插秧

納涼

雨洗秋新夜氣清悴肌無汗葛衣輕畫簷分月下西
壁絡繹飛來庭樹鳴

西樓獨上

竹日駐微暑松風生早秋閑尋來處路獨倚靜中樓
老景驅雙轂鄉心挽萬牛相隨木上坐脚底亦雲浮

曉詣三井觀

路轉市聲遠寬閑古從東適從紅塵來忽入蒼煙叢

槿心傾穠露芋葉翻微風秋陽澹籬落殘暑不必攻
野老熟睡起日高首如蓬官身騎官馬君應笑龍鍾

曉起

點鼠緣鈴索飢鴉啄井欄不眠秋漏近多病曉屏寒
咄咄渠河怪休休我自闌牙門朝日上簫鼓報平安

舫齋晚憇

心作萬緣起境生千劫忙誰同油暮靜獨對篆煙長
有盡天魔力無窮印光雨餘弦月上塵界本清涼

秋雨快晴靜勝堂席上

一笑憧憧馬鷺行簿書堆裏賦秋揚心如墜絮沾泥

懶身似飛泉激石忙雨後蹲鴟先稻熟霜前浮蟻鬪
香天涯節物遮愁眼且復隨鄉便入鄉

秋涼夜坐

吏退焚香百慮空靜聞蠶響度簾櫳江頭一尺稻花
雨窻外三更蕉葉風日日老添明鏡裏家家涼入短
檠中簡編燈火平生事雪白眇昏柰此翁
秋老四境雨已沛然晚坐籌邊樓方議祈
晴樓下忽有東界農民數十人訖出田却
要雨須長吏致禱感之詩
歲晚羈懷有所思秋來病骨最先知鏡中公案已耳

老紙上課程休諱癡西堰頻聞江漲急東山猶說雨
來遲錦城樂事知多少憂旱憂霖感盡眉

西樓夜坐

抗塵懷抱若為寬繞屋蛙聲亦在官巖桂無香秋遂
晚江鱸有約歲將寒文書散亂朝癡絕燈火淒清語
夜闌病倦百骸非復我但思禪板與蒲團

立秋月夜

已放新涼入簟紋更驅餘溽避爐熏穿雲竹月時時
見咽露莎蛩院院聞稍喜雪山無斤候但虞煙驛有
移文行藏且付蘧蘧夢明發還親雁鷺群

前堂觀月

箕踞繩床政自豪遠遊何暇續離騷
蕭森萬竹殊逾瘦突兀雙楠夜更高
東郭風喧三鼓市西城石洶二江濤
色塵声界如。現本自無禪不用迹

有懷石湖舊隱

浩蕩沙鷗久倦飛摧顏櫪馬不勝鞿
官中風月常虛度夢裏關山或蹙歸
橘社十年霜欲飽鱸江一雨水應肥
冷雲着地塘蒲晚誰為披蓑暖釣磯

太平瑞聖花

雪外捫參嶺煙中濯錦洲密攢文杏藥
高結綵雲毬

百世嘉名重三登瑞氣浮挽春同住
夏看到火西流

無題

聞道明朝送舊官無情更鼓夜將闌
此生見面知何日忍淚須臾仔細看

晁子西寄詩謝酒自言其家教有逝者詞

意悲甚次韻解之且以建茶同往

我讀晁子詩十語九慨傷長川日夜逝
鬢髮空蒼浪君家出世學無生亦無亡
鄉謂法幢立何乃槁木僵起滅不滿笑
古來共欺行豈其捏目華解翳海印光
我酒愧薄薄未能暖愁觴申以春風芽
一滄萬慮忘

慧刀儻未割會且掀禪床錦里有逢迎謹避舍蓋堂
居然足音蛩好在故意長啁耳念一洗遲君鳳鳴岡

早衰不寐

官事拘攣似力田作勞歸晚意茫然按摩合體俱非
我展轉通宵遠似年一叟披衣惟兀坐群兒得枕便
佳眠人生元是華胥客休向迷塗更看鞭

晚步宣華舊院

喬木如山廢苑西古溝疎水靜鳴池吏兵窻窳更番
後樓閣崔嵬欲暝時有露冷螢猶照草無風驚雀自
遷枝歸來更了程書債目青昏花獨穗垂

西樓秋晚

樓前處、長秋苔倪仰璿初又欲回殘暑已隨梁燕
去小春應為小春來客愁天遠詩無託吏案山橫睡
有煤晴日滿窻鳧鷺散巴東來按鴨爐灰

明日分弓亭按閱再用西樓韻

眼看白露點蒼苔歲月飛流首屢回老去讀書隨忘
却醉中得句若飛來聞鷄午夜猶舞射雉西郊不用
媒自笑支離聊復尔丹心元未十分灰

丁酉重九藥市呈坐客

余於南北西三方皆走方里皆
遇重九每作水調一闕

山首句云萬里漢家使桂林云萬里漢都護成都云萬
里橋邊客今歲倦漸甚矢不復更和前曲仍作

此詩以自戲

莫向登臨怨落暉自緣羈宦阻歸期
年來厭把三邊酒此去休哦萬里詩
烏帽不辭欵短髮黃花終是欠東籬
若無合坐揮毫健誰解西風楚客悲

會慶節大慈寺茶酒

霜輝催曉五雲鮮萬國驩呼共一天
淡、暖紅旗轉日浮、寒碧瓦收煙
御盃樂聖千秋節擊鼓迎冬大有年
忽意捧觴供玉座不知身在雪山邊

冬至日天慶觀朝拜雲日晴麗遙想郊禋

慶成作驩喜口號

浙浙霜風不滿旗紫煙黃氣捧朝曦
五更貫索埋光後萬里鈎陳放仗時
留滯周南無舊事布宣漢德有新詩
豐年四海皆溫飽願把驩心壽玉卮

十一月十日海雲賞山茶

門巷驩呼十里村臘前風物已知春
兩年池上經行處萬里天邊未去人
客鬢花身俱歲晚粧光酒色且時新
海雲橋下溪如鏡休把冠巾照路塵

海雲回按驍騎於城北原時有吐蕃出沒

大度河上

古道風沙卷夕霏小江煙浪皺春漪
天於麥壠猶

雪人向梅梢大欠詩頰響青驪飛晚兔離弦白羽嘯
寒鷗牙門列校俱剽銳檄與河邊禿髮知

合江亭隔江望瑤林在梅盛開過江訪之
馬上哦此

何處春能早踈籬隈漱湍竹間煙雪迥馬上晚香寒
喚渡聊相覓巡簷得細看極知微雨意未許日烘殘

新作官梅在移植大梅數十本繞之

臘前催喚主林神玉樹飛來不動塵契閣西湖慙處
士飄零東閣似詩人一天午夢空花碎滿地春愁月
影新掃淨宜華藜藿運它年誰記石湖濱

丁酉正月二日東郊故事

椒盤宿酒未全醒擾金鞍逐畫鞦麥雨一犁隨處
綠柳煙千縷幾時青客愁舊歲連新歲歸路長亭問
短亭萬里松楸雙淚墮風前安得語飄零

二月二十七日日病後始能扶頭

復幕重簾吾見遮暮占栖雀曉占鴉殘燈煮藥看成
老細雨鳴鳩過盡花心為蚤衰元自化髮從無病已
先華更蒙厲鬼相提唱此去山林屬當家

病中聞西園新花已茂及竹徑皆成而海

棠亦未過

梅塢挑蹊斫竹初三旬高卧信音疎春雖與病無交
涉雨莫將花便破除祗合蘧蘧隨夢去何須咄咄向
空書頗聞蜀錦獨相待去歲今朝已雪如

枕上

一枕經書似宿醒三衾投曉尚淒清殘更未盡鴉先
起虛幌無聲鼠自驚久病厭聞銅鼎沸不眠惟望紙
窓明摧頽豈是功名具燒藥爐邊此生

初履地

扶頭今日強冠簪餘燼收從百戰酣長脛閣軀如瘦
鶴衝風奪氣似枯柵客來慵牧懶殘涕老去定同彌勒

龕何處更能容結習任教花雨落氍毹

密室僊坐

如許頭顱莫振矜但尋曲几與枯藤餘生不直一彈
指此病寧論三折肱何處丹房癡候火誰家籌室強
傳燈本來識字耕夫耳今歲仍添百不能

春晚初出西樓

試倚枯藤似籊雲堂堦微步小逡巡忽逢巖桂新抽
葉屈指黃紬睡一春

春晚卧病故事都廢聞西門種柳已成而
燕宮海棠亦爛漫矣

軒窓深窈似禪房竟日虛明裊斷香詩債無邊春已
老睡魔有約晝初長市橋煙雨應官柳虛苑池臺自
海棠游騎行歌真相笑遨頭六結已龜藏

病起初見賓僚時上疏白祠未報

浪將冠服衣猿狙因病偷閑稍自如時有好懷誇得
句略無情語怕回書邊城晏閉稀傳箭村巷春遨未
荷鋤迨此良辰公事少天恩儻許賦歸歟

陸務觀云春初多雨近方晴碧鷄坊海棠
全未及去年

遲日溫風護海棠十分顏色醉春粧天公已許晴教

子說與鳴鳩一任忙

報事碧鷄坊裏來今年花少似前回笙簧冷落遨頭
病不著梁州打不開

清明日試新火作牡丹會

蜀人以洛中千
葉種為京花單素為

再鑽巴火上浮家去國年多客路賒那得青煙寄御
柳且將銀燭照京花香環半醉斜枝重病眼全昏瘴
霧遮錦地繡天春不散任教簷雨捲泥沙

三月十九日夜極冷

誰勒餘寒不放迴春風猶暖地爐灰鄉心忽向燈前
動夜雨先從竹裏來鷓鴣已如鶯百轉醱醑那復重

千堆調麩煮藥東風老慚愧茶甌與酒杯

垂絲海棠

春工業與絲、怕日嫌風不自曉鏡為誰粧未辨沁痕
猶有淚燕脂

浣花戲題爭標者

凌波一劇便指生得失何曾較重輕蝸角虛名人尚
愛錦標安得笑渠爭

鹿鳴宴

岷峨鍾秀蜀多珍生上儒先更逸群墨沼不憂經履
詭琴臺重有賦凌雲文章小技聊干祿道學初心擬

致君富貴功名今發軔願看稽古策高勲

陸務觀作春愁曲悲甚作詩反之

東風本是繁華主天地元無看愁處詩人多事惹閑
情閑門自造愁如許病翁老矣癡復頑風前一笑春
無邊糟床夜鳴如落泉一杯正與人相關

種竹了題愛山亭

灑掃宣華舍此君煙巾月下綠生塵它年葉、清風
滿莫忘年借宅人

題錦亭

手開花徑錦成窠浩蕩春風載酒過來歲遊人應解

笑耳棠終少海棠多

蘇軾詩

蘇軾詩

蘇軾詩

石湖居士文集卷第十八

蘇軾詩

蘇軾詩

蘇軾詩

蘇軾詩

蘇軾詩

石湖居士文集卷第十九

蘇軾詩

蘇軾詩

蘇軾詩

秋苗五月未入土行人欵行心更苦路逢田翁有好

語競說宿來三尺雨行人雖去亦伸眉翁皆好住莫

相思流渠湯湯聲滿野今年醉飽雞豚社

蘇軾詩

桑間三宿尚回頭何况三年濯錦遊草草那箇中酒

處不知身已在彭州

懷古亭

在永康離堆之上離堆分民江水一派
溉彭蜀而反流道郫縣以入于府江

朝來寫得故人書
雙鯉難尋鴈亦無
付與離堆江水
去解從郫縣到成都

離堆行

公江有兩崖中斷相傳秦李太守
鑿此以分江水又傳李鑿孽龍於

潭中今有伏龍觀在潭上蜀旱反江水涸
即遣官致祭壅都江水以自足謂之攝水

無不應民祭賽者率
以羊歲殺四五萬計

殘山狼石雙虎卧
斧跡鱗皴中鑿破
潭淵油油無敢
唾下有猛龍銜鉄鑠
自從分流注石門
西州秔稻如
黃雲到羊五萬大
作社春秋伐鼓蒼
煙根我昔官稱
勸農使年年來激
洒江水成都火未
不論錢絲管相

隨看蚕市欵門得
得醇清尊椒漿桂
酒剛羶葷妄敬
一語神豈聞更願
愛羊如愛人

崇德廟

李太守廟
食處也

雪山南風融雪汁
化作岷江水來不
知新漲高幾畫
離堆石壁舊有水則記漲
痕占歲事一畫為一則但覺樓前奔萬雷
天教此

水入中國兩山辟
易分道開我家長
川到海處却在
發源傳酒杯人生
幾履辦此役遠遊
如許神應哈東
歸短棹昨已具明
日發船撾鼓催灘
平放溜日千里
已夢鱸鱸如雪堆
丹楓繫纜一回首
玉壘浮雲安在
哉

戲題索橋

織簾勻鋪面排繩強架空染人高曉帛獵戶遠張罟
薄難承雨翻不受風何時將蜀客東下看垂虹

東城山會慶建福宮

宮舊名丈人觀予為請於朝賜今名入山

前數自勅書至自行在予就設醮以祝聖壽云

墨詔東來洵驛傳璇題金榜照山川祥開聖代千秋

節響動仙都九室天觸石湧雲埋紫邏流金飛火燭

蒼巔祗應老宅龐眉客長記新宮賜號年

老宅即老人村也舊

名潦澤疑傳之誤余為更此名

再題青城山

萬里清遊不暇慵雙旌換得一枝筇來從井絡直西

路上到江源第一峯海內閑身輸我佚山中佳氣為

人濃題詩試刻巖前石付與他年蘚暈重

玉葉樓夜醮

青城觀殿前大樓制作塊麗初夜有火炬出殿後峯上羽

衣云數年前曾一現已而如有風吹滅之此同行諸官至則無見矣予默禱云此燈果為我來者當再明使眾共觀之語訖復現

丈人峯前山四周中有五城十二樓玉華仙宮居上

頭紫雲浮瀕千柱浮剛風八面寒颼颼靈君宴坐三

千秋躋符飛行戲元洲下睨濁世悲蜉蝣挂旗偃蹇

澹少休知我萬里遙相投暗蛸奏樂鐸鳴球浮黎空

歌清夜道參旗如虹歛下流化為神燈燭巖幽火鈴
洞亦凌空遊誰歟蔽虧黯然收禱之復燃為我留半
生縛塵鷹在講豈有骨相肩浮丘山英發光洗羈愁
行迷未遠夫何尤笙簫上雲靈歆游揖我從之驟素
虬

上清宮

自青城登山所
謂最高峯也

歷井捫參興未闌丹梯通處更躋攀冥涿蜀道一雲
氣破碎岷山千髻鬟但覺星辰垂地上不知風雨滿
人間蝸牛兩角猶如夢更說紛紛觸與蠻

最高峯望雪山

大面峯頭六月寒神燈收罷曉雲班浮空忽湧三銀
闕云是西天雪嶺山

范氏莊園

夕陽塵土漲郊墟六六峯頭夢覺餘竹色喚人來下
馬亂蟬深處有圖書

青城縣何子方便君同年園池

橙塍芋隴意中行浩蕩薰風不計程雨脚背人歸玉
壘江聲隨馬入青城五橋今日新知路千佛當年舊
綴名水竹光中同一笑丐君荷露濯塵纓

何同年書院

有丹竈
甚雅

竹色侵晚帙泉聲漱嵌根試通丹竈路應到老人村

江源縣張季正長字家善頌堂

季長畫出先世所藏

圖書壁有趙清獻公為令時題名是日食新米坐中皆贊喜夏初寧大早也

我窮江源來名勝頗追逐薰風秀沃楚在處得奇矚
頌堂有佳士文字照練竹圖書抱世守古錦韞玉軸
黃金不滿贏故國有喬木逡巡酒如澗霍霍具水陸
田頭新殺升一飯香滿屋回思閔時雨敢望邊炊玉
摩娑壁間題明府遂州牧山高江水長百世詔尸祝
我來坐琴壇琴壇在成都西園清獻公彈琴宴坐處 覩汗愧前躅空餘
煙霞痼未許是公獨請歌青城游或附耆舊錄

蜀州西湖

荷花正盛開水月登舟亭也湖陰亭外別有白蓮尤奇蜀中無

菱至此始見之

閑隨渠水來偶到湖光裏仍呼水月舟徑度雲錦地
誰云不解飲我已荷香醉湖陰王嬋娟夏立紅粧外
何思東閣梅悠然自詩思驚風入午暑水竹有秋意
采菱不盈舸興與專鱸會遙知新津宿魂夢亦清麗

新津道中

雨後郊原淨村村各好音宿雲浮竹色清溜走橙陰
曲沼擎青蓋新畦藝綠針江天空濶處不受暑光侵
次韻陸務觀編修新津遇雨不得登修覺

山徑過眉州三絕

新津館舍上漏下濕送客皆不堪憂修覺一望

人云可見劔門杜子美所謂西川

送客多情難語離僕夫無情車載脂平生漂泊知何

限少似新津風雨時

離合紛紛怕遠遊遠遊仍拍賦登樓何須一望三千

里望盡西州轉更愁

兩後暮颺山色開玻璃江清已可杯綠荷紅芰香四

合又入芙蓉城裏來

中巖

去眉州一程諾詐羅寧者道場相傳昔有天台僧遇病僧與之木鑰匙去異時至眉

州中巖扣石笋當再相見後果然今三石屹立如樓觀前兩樓純紫石中一樓蘿蔓被之傍有寶餅

峯甚端正山半有喚魚潭慈姥龍所居世傳鴈蕩大小龍湫亦諾詐羅道場豈化人往來無常處耶

赤巖倚吟蟬翠邏森成削岑蔚嵐氣重稀間暑光薄

聊尋大士處往扣洞門鑰雙撐紫玉闕中矗翠雲幄

庶供華藏海歸坐寶樓閣無人可示人但見雨花落

不知龍湫勝何以魚潭樂夜深山四來人靜天一握

驚看杯桂白月影到林壑門前六月江世界塵漠

寶餅有甘露一滴洗煩濁捫天授斗杓諸為諸君酌

玉盤香如慈姥巖與送客酌別風雨大至涼甚諸賢

斗指初秋用中巖韻各賦餞行詩紛然襍箋清飲終

山靈吟亦日雖無絲竹管絃而情味有餘

山靈知我厭塵土喚起蟄雷塵午暑松風無力雨絲
長散作毵毵雪塵舞巖前懸溜珠簾傾安得吹來添
玉觥詩成酒盡腸亦斷休喚佳人歌渭城

次韻陸務觀慈姥巖酌別二絕

送我彌旬未忍回可憐蕭索把離杯不辭更宿中岩
下投老餘年豈再來
明朝真是送人行從此關山隔故情道義不磨雙鯉
在蜀江流水貫吳城

再次韻代荅劉文潛司業二絕

平羗江上首空回慈姥巖前定把杯縱使石腸都忘

却也應風雨送愁來

回廊月下短歌行惟有知音解有情一曲紅窓聲裡
怨如今分作兩愁城

玻璃江一首戲劾陸務觀作

玻璃江頭春綠深別時汙汙流到今祇言日遠易排
遣不道相思翻苦心烏頭可白我可去菖花易青君
易尋人生若未免離別不如碌碌無知音

余與陸務觀自聖政所分袂每別輒五斗

離合又常以六月似有數者中巖送別至
揮淚失聲留此爲韻

宦塗流轉幾沈浮
鷄黍何年共一丘
動輒五年遲遠
信常於三伏話
羈愁月生後夜天
應老淚落中巖水
不流一語相開仍
自解除書聞已趣
刀頭

萬景樓

在漢嘉城中山上登覽勝絕殆冠
西州子令畫工作圖以歸山谷來

游時但有安樂
園未有此樓也

左披九頂雲右送大我月殘山剩水不知數
一當樓供勝絕玻璃濯錦遙相通指麾大渡來
朝宗川靈胥命各東去我亦順流呼短篷
詩無傑話慙風物賴有丹青傳小筆仍添書
客倚欄看今與山川相映發龍灣歸路遠
烏尤棟雲簾雨邀人留若爲喚得涪翁

起題作西南第一樓

凌雲九頂

即大石佛處初登山時巖壁上
悉刻爲小佛不知其數山前佛

頭灘受雅江之
衝最爲艱險

聊爲東坡載酒游萬龕迎我到峰頭
江搖九頂風雷過雲抹三峨日夜浮
古佛臨流都坐斷行人識路亦歸休
酣：午枕眠方丈一突閑身始自由

戲題方響洞

漢嘉廣福院中水洞有聲琅然
莫知其所在舊名丁東水山谷

易今名且題詩云古人名此丁東水自古
東丁直至今我爲改爲方響洞要知山水有清音

隔凡水澗不可越衆真微步壺中月徒倚
含風玉珮聲何須聽作麤賓鐵

問月堂酌別

半明燈火話悲酸此會情知後會難四海宦游多聚
散一生情事足悲歡髮絲今夜不多黑酒量徹明無
數寬醉夢登舟都不記但聞風雨滿江寒

別後寄題漢嘉月謝

陸務觀所作同年謂

名湖亭明月湖也在州治前方作旌亭月
榭正直大峨取太白岷眉山月之語以名
傍有一巖景趣尤佳
子蒼欲作樓未果

隱吏詩情卜築幽同年惜別勸淹留試傾萬景湖亭
酒來看半輪江月秋川路雖長猶共此夜舩空載且
歸休碧巖勝處頻回首好事誰能更小樓

過燕渡望大峨有白氣如層樓扳起叢雲
中

圓野千山暑氣昏大峨煙靄亦繽紛玉峯忽起三千
友應是堯羅世界雲

蘇稽鎮客舍

送客都回我獨前何人開此竹間軒灘聲悲壯夜蟬
咽併入小窓供下眠

峨眉縣

縣出符文布婦女人人績麻且行且
觀田家東蒿燃於門口為香氣逆客

窮鄉未省識旌旄鷄犬驢呼巷陌騷村媪聚觀行績
布野翁迎拜跽燃蒿泉清土沃稻芒早縣古林深槐

瘦高珍重里儒來獻頌盛言千載此丘遭

初入大峨

煙霞沉痼不須醫此去真同汗漫期曾歛上清臨大
面仍從太白問峨平山中綠法如今熟世上功名自
古癡賸作畫圖歸掛壁它年猶欲卧遊之

華嚴寺

衆峯攢壁立中有路一綫扳援白雲梯食頃已天半
我本紫芝曲誤落青芻棧向來脫新羈恍已還舊觀
花煙辭少城暑雪封大面來從太白西更走三峨徧
風生兩腋輕泉吼四山眩今晨第一程莫嘆輿僕倦

中峯

有普賢閣背倚白崖峯餘七十峯共環之茂其尊者舊庵在峯下其旁一峯最秀号呼應孫思邈所往來傳云真與孫常相呼而應故名

凌高蹋危峯斗下頰幽谷仙英馥椒蘭嘉陰轟旌纛
空翠元不雨洩雲自膏沐暑綵森有稜瘁肌淒欲粟
白崖如負依金界莫蒼麓衆峯拱二八娟妙繞重屋
真人與尊者幽居接松竹呼之倘肯應留我試餐玉

雙溪

在白水寺門雨後各自一山來齊出橋下前行八林數十步合為一水洄而深潭以入寶現溪僧云此景猶在廬山三峽鴈蕩龍湫之上溪中舊嘗有兩石子

間日照溪中常有五色光相

冷風騷騷木葉低洞淵阻深生怪竒碧淋澗澗黑無

底中有玉龍相對飛雷轟雪捲入林樾化為一龍潭
底沒摩尼闍罷四山空時有寶光巖下發

寶現溪

雙溪合而一既出巖竇散為此溪
叢三藏自西域歸過溪見兩石子
聞攬得其一今藏黑水寺石上
有一目端正透底溪以此得名

粲粲卷畫沙鱗鱗翅塵水朝陽相發揮光景艷孔翠
寧聞雙溪號但見穀紋細神魚不謀食終日印潭底
躍珠本具眼聊共阿師戲收藏更傳寶一笑落第三

點心山

入山窘宿雨上山賀朝霽頭步便歷險轉盼已呀氣
豈惟膝點心固已頭搶地遊人貪勝踐姑吟蜀道高

大扶擗

身如魚躍上高竿路似鏡中相對看珍重山丁扶我
過人間踽踽獨行難

小扶擗

食時方了大扶擗前途仄徑仍崎嶇懸崖破棧不可
玩輿丁挾我如騰狙平生行路險艱足如今雪鬢應
難綠却憐苔髮鎮長青千古鬢髮挂高木

胡孫梯

峽山有胡孫梯
愁予嘗過之

木磴鱗鱗滑帶泥微生敬側寄枯藜胡孫愁處我猶
過箇裏如今幸有梯

雷洞平

七十二洞皆在道傍大早有禱投
人弊履投而觸
之花不應即以大石或死鼠及婦
之雷雨即至

行人魄動風森森兩崖犇黑愁太陰不知七十二洞
處側足下窺雲海深聞有神龍依佛住振觸須臾召
雷雨兩川稻熟須好晴我亦閑遊神勿驚

八十四盤

冥鴻無伴鶴孤飛回首塵籠一笑嬉八十四盤新拄
杖萬三千乘舊牙旗石梯碧滑雲生後木葉紅班雪
霽時說與同行莫惆悵人間捷徑轉嶽巖

婆羅平

仙聖飛行此是家路逢真境但驚訝神農嘗外盡靈
藥天女散餘多異花嵐雨逼衣寒似鐵冰泉炊米硬
如沙峰頭事事殊塵世缺甃跳梁笑井蛙

思佛亭曉望

栗烈剛風刮病眸登臨何啻緩千憂界天暑雲青城
外湧地晴雲尾屋頭浩蕩它年誇比客蒼茫何處認
西州千巖萬壑須尋遍身是江湖不繫舟

光相寺

峰頂四時如大冬芳花草春自蠟苔痕新晞六月
雪木勢猶偃千年風雲物爲人布世界日輪同我行

虛空浮生元自有超脫地上可憐悲撻蓬

七寶巖

大峨絕頂白水寺已在山半由白水陡上至巖又六十里

天如碧玉甌下覆白玉盤晶光眩相射我獨居兩閒
正視不勝瞬却立聊少安但覺風浩浩骨毛森以寒
神僊杳無處寧論有塵寰身輕一槁葉兩腋如飛翰
同行挽我衣何往何當還少留作詩去奇哉此憑欄

淳熙四年六月二十七日登大莪之巔一

名勝峯山佛書以為普賢大士所居連日

光相大現賦詩紀實嚼印老刻之以為山

中一重公案

勝峯高哉摩紫清白鹿導我登化城住山大士喜客

至兒羅布界續相迎圓景明暉倚雲立艷如七寶莊

巖成一光未定一光發中有墨像隨心生白毫從地

挿空碧散燭象緯天龍驚夜神受記亦修供照世洞

燃千百燈明朝銀界混一白咫尺眩轉寒凌競天容

野色儵開閉慘淡變化愁仙靈人言六通欲大現洗

山急雨如盆傾重輪疊采印巖腹非煙非霧非丹青

我與化人中共住鏡光覲面交相呈前山忽湧大圓

相日圓月暈浮青冥林泉草木盡合裹是則名為普

光明言詞海藏不勝讚比峯復有金橋橫衆慈久立

佛事竟一塵不起山岭嶢向來無法可宣說爲問有
耳如何聽我本三生同行願隨緣一念猶相應此行
且復印心地衣有寶珠奚外營題詩說偈作公案亦
使來者知吾曾神通佛法須判斷一任熱椀春雪鳴
請佛閣晚望雪山數十峯如爛銀晃耀暑

光中

累塊蒼然是九州大千起滅更悠悠雪光正照天西
角日影長浮雨上頭峰頂何曾知六月塵間想已別
三秋佛毫似欲留人住橫野金橋晚未收

淨光軒 白水寺

翳華銷盡八憲明雨竹風泉演妙聲身世只今高幾
許北峯渾共倚攔平

虎溪

黑水寺前雖不及雙溪亦佳處也開
山僧至此漸渡一虎踞前因跨之亂

流以濟今作橋其上
然歲推盪輒更新之

水本無心作浪波經行偶與石相磨不須更問橋安
否喚取於菟載我過

白雲峽 牛心寺

雙溪疑從銀漢下我欲窮源問仙舍飛瀾濺沫漱藍
輿却望兩崖天一罅踈踈暑雨滑危梯策策山風掖
高駕幽尋險絕太奇生莫笑退之號太華

孫真人菴

何處仙翁舊隱居青蓮嶢絕似蓬壺雲深未到淘朱
洞雨小先尋鍊藥爐磧下草香疑可餌林間虎伏試
教呼閑身儘辨供薪水定肯分山一半無

龍門峽

挿天千丈兩碧城中有玉塹穿巖扃瀑流懸布不知
數亂落嵌根飛白雨瑤琨爲室雲爲闕龍居所居朱
夏寒不辭繫棹更深入萬一龍驚雷破山

既離城都故人送者遠至漢嘉分袂其尤
遠而相及於峨眉之上者六人范季申郭

中行楊商卿嗣勳李良仲譚德稱口占此

詩留別

我本住林屋風吹來錦城錦城亦何樂所樂多友生
相逢不知久相送不計程橫絕峨眉巔欲去有餘情
吾宗蓋難弟李郭人中英二楊懿文德譚子資粹清
相視心莫逆劇談四筵傾明朝各回首雲水相與平
我今投紱去行且扶犁耕淒涼別知賦慷慨結客行
後會豈不好路長恐寒盟諸賢乃不凡骨相有功名
大廈罩群木明廷朝萬靈王畿坦如砥結綬當同登
道傍石湖水誰能叩柴荆夢中儻相見秉燭聽殘更

聞威州諸羗退聽邊事已寧少城籌邊樓
欄檻修葺亦畢工作詩寄權制帥高子長

籌邊樓上美髯翁赤白囊飛笑語中
勃律天西元采玉蓬婆雪外昨分弓
蹋筵舞罷平欄月橫梁詩成滿袖風
諸校各能歌破陣何須琴裏聽平戎

破陣平戎皆有本事

子長當一笑領

石湖居士文集卷第十九

石湖居士文集卷第二十

詩

捷寫江樓

河邊堵立看歸蓬三老開頭暮欲東
漲水稠難連峽內淺山浮石似湘中
無人驛路榛榛草有客江樓浩浩風
種落塵消少公事賸裁新語寄詩筒

縣令師永錫同年能詩

宣化道中

瘦草蕭疎已似秋盤陀山骨束江流
兩崖若不頑如鐵爭得狂瀾拍岸休

將至叙州

亂山滿平野漲水豪大川吳徑無轍跡踈林有炊煙
山農旦燒畬蠻賈暑荷氈窮鄉足荒怪打鼓催我舡

七日至叙州登鎖江亭山谷謫居時屢登

此亭有詩四篇敬用其韻

水口故城立壘平新亭乃有絙鐵橫

舊成州在對江山趾下臨馬湖

蠻江路蠻自江出必過城下故真鎖以為限今遷城過江已失形勝而猶於亭下鎖江特以攔稅而已非

本旨也歸舡擊汰若飛度一雨徹明秋漲生東樓鎖江

兩重客筆墨當代俱詩鳴我來但醉春碧酒星橋脉

脉向三更

郿醜舊名重碧取杜子美東樓詩重碧酌春酒之句余更其名春碧語意便勝

江安道中

近瀘州最險處號張旗三灘言張旗之頃已過三灘其湍急如

此瀘成之間有渡瀘亭然不知孔明竟出何路今鎖江對岸廢城下臨馬湖有常阜紀功碑歸然荒榛中疑此或是古跡

穠綠連村荔子殘瘴雲將雨暗前灣張旗且喜三灘

駛叱馭曾驚九折艱瀘水舟迷古渡馬湖碑缺伴

荒山威名功業吾何有無事飄飄犯百蠻

瀘州南定樓

歸舡東下興悠哉小住危欄把一杯樓下沔沔內江

水明朝同入大江來

題譚德稱扇

德稱與楊商卿父子送余遠至瀘之合江以扇求詩各為題一絕

蠻風吹雨瘴江肥短草荒山鳥不飛盡是瀘南腸斷

句如今分與故人歸

題楊商卿扇

君歸我去兩消魂
愁滿千山鎖瘴雲
後夜短檠風雨暗
誰能相伴細論文

題楊子容扇

雙竹軒窗聽讀書
垂天雲翼要搏扶
與君只作三年別
射策東來過石湖

譚德稱楊商卿父子送余自成都合江亭相從至瀘南合江縣始分袂水行踰千里作詩以別

合江亭前送我來
合江縣裏別我去
江流好合人好乖
明日東西南北路
千里追隨不忍歸
一盃重把知何處
臨岐心曲兩茫然
但祝頻書無別語

發合江數里寄楊商卿諸公

臨分滿意說離愁
草草無言祇淚流
舡尾竹林遮縣市
故人猶自立沙頭

過江津縣睡熟不暇梢舡

西風扶櫂似乘槎
水闊灘沉浪不花
夢裏竹間喧急雪
覺來舡底衮鳴沙

恭州夜泊

草山磽确彊田疇村落熙然粟豆秋翠竹江村非錦
里青溪夜月已渝州小樓高下依盤石弱纜西東戰
急流入峽初程風物異布裙跣婦揔垂瘤

大熱泊樂温有懷商卿德稱

暑候秋逾濁江流晚更渾瘴風如火燠嵐月似煙昏
城郭廩君國山林妃子園故人新判袂得句與誰論
涪州江險不可泊入黔江棧舟

黃沙翻浪攻排亭瀆淖百尺呀成坑拗窞眩轉久乃
平一渦慰帖千渦生 師絕叫歐川靈鳴饒飛度如
奔霆水從岷來如濁涇夜榜黔江聊濯纓玻璃徹底

鏡面平忽思短棹中流橫釣絲隨風浮月明

妃子園

涪陵荔子天寶所貢去州里所有
此園然峽中荔子不及園中遠甚

陳紫又閩
中之最也

露葉風枝驛騎傳華清天上一嫣然當時若識陳家
紫何處蠻村更有園

豐都觀

在豐都縣後三里平都山舊名仙
都觀相傳前漢王方平後漢陰長
生得道處陰君上升時五雲從地湧出丹
竈古栢皆其古物晉隋發宇無恙壁畫悉
是當時遺蹟內王母朝隊仗尤奇道士云
此地即所謂北都羅豐所治又名平都福地也

神仙得者王方平誰其繼之陰長生飄然空飛五雲
駟上賓陽寥留玉京石鑪丹氣常夜明寵光萬栢森

千齡峽山偏仄岷江縈洞宮福地古所銘云有北陰
神帝庭太陰黑簿囚鬼靈自從仙都啓巖扃明霞流
電飛陽晶暉景下墮鑠九冰寒絕苦道升無形至今
臺殿棲玲峴隋巧唐聖留丹青十仙怪竒溪女清瑤
池仙仗紛娉婷琅璈赴節鏘歛鳴我來秋暑如炊蒸
汗流呀氣扶枯藤摩挲衆蹟不暇評聊記梗槩知吾
曾

萬州西山湖亭秋荷尚盛

叢蒼忽明眼山腰灩湖光列岫繞雲錦深林護風香
西山即大華玉井餘秋芳隔江招岑僊共擘雙蓮芳

下巖

疇昔中巖一夢殘下巖風景亦高寒峽中無處堪停
棹雨後今朝始凭欄不用若求毫相現祇教長掛水
簾看山僧勸我題蒼壁坡谷前頭未敢刊

魚腹浦泊舟望月出赤甲山山形斷缺如
鼉龍坐而張頤月自缺中騰上山頂

月生赤甲如金盆蹲龍呀口吐復吞長風浩蕩挾之
出影落半江沉復翻天高夜靜四山寂惟有灘聲喧
水門高齋詩翁不可作我亦不眠終夕看

夔門即事

自東川入峽路至恭州便有瘳俗夾岸
山恚痺小入夔界山皆傑然連三峽夢

水不可飲取之卧龍十里之外雲安麴
未春自唐以來稱之今夔酒乃不致佳

峽行風物不堪論
祥暑驕陽雜瘴氛
人入恭南多附贅
山從夔子盡侵雲
竹枝舊曲元無調
麴米新筍但有聞
試覓清冷一杯水
筒泉須自卧龍分

瞿唐行

七月十九日至夔子灩澦撒髮不可犯是夜水漲及山腹詰且視灩澦則已在水中

土人云此青齊也可以冒險而入遂致掉畧其頂而過群中遣候立立山上每一舟平安則搖幟以召後舟白鹽赤甲皆峽口大山黃嵌黑石皆峽中至險處入峽西岸有聖泉舟人或向之疾呼日人渴也泉即迸下一杯許復乾余舟過甚急未之試也

川靈知我歸有程
一夜漲痕千丈生
中流擊楫洵作氣
夾岸簸旗呀失聲
不知灩澦在舡底
但覺瞿唐如

鏡平鑿峽疏川
狼石破號山索飲
飛泉驚白鹽赤甲
轉頭失黑石黃嵌
拚命輕草齊增肥
無泊處竹枝凝咽
空餘情人間險路
此奇絕客裏驚心
吾飽更劔閣翻成
蜀道易請歌范子
瞿唐行

夜泊歸州

州有宋王宅昭君臺

舊國風煙古
新涼瘴癘清
片雲將客夢
微月照江聲
細和悲秋賦
遙憐出塞情
荒山餘閎閎
兒女擅嘉名
秭歸郡圃絕句二首

花竹蕭騷小圃畦
官居翻似隱淪棲
巴山四合秋陽滿
杜宇黃鸝相對啼

孤城偪仄復偪仄前山後山青欲來市聲蕭條衙鼓
靜惟有吒灘喧萬雷

吒灘即黃魔灘
下連人鮮甍

宅玉宅

相傳秭歸縣治即其舊址縣左
旗亭好事者題作宋玉東家

悲秋人去語難工搖落空山草木風猶有市人傳舊
事酒壚還在宋家東

後巫山高一首

余前年入峽常賦巫山高
今復作一篇十二峯中東

西各一峯最奇不可繪畫左右前後餘峯
之可觀者尚多不止十二峯也不問陰晴
雲物常相映帶尤為勝絕但以張江湍怒
難橫泊鼓棹而過不復登廟前余以水暴
漲得下瞿唐至巫山縣人水却湏水退始
可入巫峽一夜水落十餘丈遂不復滯留

疑真宮前十二峯兩峯娟妙翠插空餘峯競秀尚多

有白壁蒼崖無數重秋江漱石半山腹倚天削鐵荒
行縱造化鍾奇轟瑤巘真靈擇勝深珠宮朝雲未罷
暮雲起陰晴竟日長冥濛瑤姬作急送歸客一夜收
潦仍回風仰看館御飛檝過回首已在虛無中惟餘
烏鴉作使者迎舡送舡西復東

黃牛峽

為黃牛神所居即石馬繫祠門處
東坡所書歐公詩及本事碑石在
東廡祠後高峯之上有黃牛跡客舟甚敬
之以歐公為石馬亦有靈扁護甚嚴

朝離悲秋宅午榜疊石磯小留黃牛廟細讀石馬詩
黃牛隱見蒼山裏石馬至今猶馘耳當年夢境識仙
翁馬為迎門神為起物生不朽繫所逢歐詞蘇筆蒼

苔封山高水長翁之風石馬亦與翁無窮

假十二峯

即黃牛峽山自此直至平喜與千峯重複靡不可峭

巴東三峽數巫陽山入西陵更鬱蒼何以假為非確論直疑溟滓第高唐

扇子峽

兩岸山尤奇殆過巫峽蝦蟇碛在南岸

茲行看山真飽諳今晨出峽仍窮探南磯北磯白鐵壁千峰萬峰蒼玉筍橫前直疑江已斷坼起競與天相攙蜀山欲窮此盤礴禹力且盡猶鐫剝望舒宮中金背蟾泥塗脫盡餘老饒下飲岷江不知去流涎落吻如排髯挈餅樣棹料清甘未暇煮茗和薑鹽聊將

滌硯濡我筆恍惚詩律高嶢巖

荆渚中流回望巫山無復一點戲成短歌

千峰萬峰巴峽裏不信人間有平地渚宮回望水連天却疑平地元無山山川相迎復相送轉頭變滅都如夢歸程萬里今三千幾夢即到石湖邊

魯家泖入泖

三江口即岳陽路水大難行遂入泖行泖中最空曠處名

百里荒盜區也

過盡巴東巫峽長荆川鼓棹更茫茫避風怕入三江口乘月貪行百里荒夜後逢人盡刀劍古來踏地皆耕桑可憐行路難如此一簇寒蘆尚稅場

鄂州南樓

誰將玉笛弄中秋黃鶴飛來識舊游漢樹有情橫北
渚蜀江無語抱南樓燭天燈火三更市搖月旌旗萬
里舟却笑鱸鄉垂釣手武昌魚好淹留

題黃州臨臯亭

夏口風帆赤壁磯雪堂醜酒竹樓基繫船一日黃州
下祗辦登臨不辦詩

江州庾樓夜宴

前轍大江後臨廬山登臨
名勝殆甲它處庾亮南樓
乃此武昌非此也亮常刺江
州後人製此名非斯樓之要

岷江漱北渚廬阜窺南窻名山復大川超覽茲樓雙

何必元規塵自足豪它邦使君林田熟新涼菊酒缸

落景澹碧瓦長虹吐金釭客從三峽來噩夢隨奔龍

小留聽琵琶舡旗卷脩杠請呼裂帛絃為拊洮河腔

曲終四欄憑倦遊心始降明發挂帆去曉鍾煙外撞

東林寺

慧遠師白蓮社也傍有樂天草堂
對山絕頂即天池文殊現灯處李
成焚劫南北山
獨不毀二林

談易繙經宰木春三生猶自裊煙熏客塵長隔虎溪

水劫火不侵香谷雲老矣懶供蓮社課歸哉快讀草

堂文山頭一任天燈現箇事何曾落見聞

過虎溪對東林蒼巖翠樾下浸大澗宛似

靈隱冷泉囑長老法才作亭名曰過溪且
為率山丁薙草定基一朝而畢

過溪無限翠屏開大笑從教虎子猜不獨山中添故
事仍教題作小飛來

病倦不能過谷簾三峽寄題

白龍青峽紫煙鑪山北山南只半塗說與同來綠玉
杖他年終補卧遊圖

湖口望大孤山

廬阜岡勢斷江流漭相通大孤如小冠插入龔淪中
我欲蛻濁浪往馭楊瀾風晃晃銀色界淡淡水精宮

濯足望八荒列宿羅心胷客帆詎肯駐搔首蒼煙叢

彭浪磯阻風

浦口藏舟尋丈慳篙師抱膝朝莫閑逆風來從水府
廟濁浪欵碎小孤山太白猶高缺蟾墮長江未盡歸
鬢斑短歌聊復恣行路當有聽者凋朱顏

馬當湫阻風居人云非五日或七日風不

止謂之重陽信

拍岸回流逆上磯枯楊折葉靜相依趁墟漁子晨爭渡
賽廟商人晚醉歸重九信來風未慙大千行徧昨俱
非羈愁萬斛從頭數帶眼今秋又減圍

非獨放舟風復不順再泊馬當對岸夾中馬當
水府即小說所載神助王勃一席清風處
也戲題兩絕

萬里江隨倦客東馬當山背勒孤蓬無才解賦珠簾
雨誰肯相賒一席風

禁江口上栢山東三日荒寒繫短蓬却憶宮亭湖裏
去隨人南北解分風

守風嘲舟子

奪命稠難百戰餘守風端坐恰乘除日長飽飯高眠
覺閑傍蘆花學釣魚

佛池口大風復泊

碧葦無思連天生青山有情終日橫風聲洶怒未朝
拔川氣流光珠夜明誰能坐守白頭浪我欲往騎金
背鯨俛仰之間撫四海可憐步步愁江程

長風沙

夕陽明遠帆高浪兀孤嶼綿綿淮山來閃閃沙鳥去
落月兩三家炊煙南北渡眉伸擊汰行夢愕阻風處

九月八日泊池口

斜景下天末煙靡酣夕紅餘輝染江色漱灑琥珀濃
我從落日西忽到大江東回首舊遊處曛薰錦城中

藥市并樂事歌樓沸積空故人十二欄豈復念比翁
池州九日用杜牧之齊山韻

年年佳節歌式微秋浦片帆還散飛萬里蜀魂思遠
道九歌楚詞送將歸杯中山影分秋色木末江光借
夕暉細撚黃花一枝盡霏霏金屑滿征衣

離池陽十里渚溪口復阻風

恰從秋浦桂蘼蓀又泊渚溪十里餘愁水愁風吹帽
後作風作雨投衣初遠尋草市沽新酒牢閉蓬窻理
舊書行路阻難催老病騷騷落雪滿晨梳

梅根夾

辛苦凌波棹平安入夾舡日明漁浦網風側尾窻煙
老圃容桃李村巫橫索錢且投人處宿終衣得佳眠
宿長蘆寺方丈

塔廟新浮水汀州舊布金聊憑一葦力與障萬波侵
帆影窺門迤鍾聲出院深夜闌雷破夢歌枕聽潮音
將至吳中親舊多來相迓感懷有作

望見家山意欲飛古來燕晉一沾衣回思客路豈非
夢乍聽鄉音真是歸新事略從年少問故人差覺坐
中稀不須更說桑榆暖霜後鱸魚也自肥

石湖居士文集卷第二十一

詩

淳熙五年四月二日直宿玉堂懷舊二

絕句

桂海冰天老歲華直廬重上玉皇家當年曾識青青鬢惟有東墻一架花

雪山刀斗不停檣夜把軍書敢顧家珍重玉堂今夜夢靜聞宮漏隔宮花

初歸石湖

曉霧朝暾紺碧烘橫塘西岸越城東行人半出稻花

上宿鷺孤明，菱葉中信脚。自能知舊路，驚心時復認。
隣翁當時手種斜橋柳，無限鳴蜩翠掃空。

寄蜀州楊道人

老來萬事摠蕭然，猶憶西州暑雪邊。為報岷峨山水
道如今真箇得歸田。

送同年萬元亨知階州

老我曾班萬里春，憐君飛棹也浮秦。當年千佛名經
裏，又見西游第二人。

路入南山舊漢畿，油油清渭照牙旗。古來百戰功名
地，正是鷄鳴起舞時。

十年關隴困科輸，聖德如天盡掃除。臨遣中和二千
石，好乘春日下寬書。

舊寮

次韻蜀客西歸者來過石湖并寄成都
走遍埃塵倦鳥還，故鄉元在水雲間。黃梁飯裏夢魂
醒，青蒨筵前身世閑。鷗鷺飛來俱玉立，松篁歲晚各
蒼顏。岷峨交舊如相問，鐵鎖無扃任客攀。

十一月大霧中自胥口渡太湖

白露漫空白浪深，舟如竹葉信浮沉。科頭晏起吾何
敢，自有山川印此心。

靈祐觀

即古神景宮也相傳舊宮廊百間繞三大殿謂之百廊三殿今不復

有堂前有垂絲檜三本

賜谷西門鎖洞宮古苔斑駁檜蒙茸百廊三殿惟管

井萬壑千巖有瘦筇

林屋洞

仙經一名左神幽墟洞天正洞門左觀中出觀左門又有二門一名

雨洞一名賜谷洞

擊水搏風浪雪翻煙消日出見仙村舊知浮玉北堂

路今到幽墟三洞門石燕翔飛遮炬大金龍深阻護

嵌根寶鍾靈鼓何須扣庭桂宵晨已默有

包山寺

在毛公壇前別峯下慈受深老所作深老入山時手植二竹今遂成

林山上松多非種植風吹松子自成謂之飛松

仙鳩遜半坐精廬遷古幢搞衲昔開山至今坐道場

熾然說慈忍禪海薰戒香穉竹暗寒碧飛松盤老蒼

舩鼓入宴坐紅塵隔滄浪藤杖懶歸去共倚蒲團床

毛公壇福地

西山最深處毛公劉根也身生綠毛故云有列道人作小

菴在隱泉之上

松蘿滴翠白晝陰七十二峯中最深綠毛仙翁已仙

去惟有石壇留竹塢竹陰掃壇石槎牙漢時風雨生

蘚花山中笙鶴尚遺響湖外人煙驚歲華道人眸子

照秋色邀我分山築丹室驅丁役甲莫見嬉渴飲隱

泉飢餌木

上方寺 在銷夏灣上

樣棹古銷夏塔節新上方珠灣鎖貞折冰鏡沉空光

楓顯醉晴日橘黃明早霜閉門松竹選隨處有清涼

銷夏灣

吳王避暑處平湖濱山一灣雲水勝絕

蓼磯楓渚故離宮一曲清漣九里風縱有暑光無暑

處青山環水水浮空

橘園

橘中有佳人招客果下遊胡床到何許坐我金碧洲

沈沈剪綠山垂垂萬星迷奇采日中麗生香風外浮

折贈黃團雙珍逾桃李投拆開甘露囊快吸冰泉甌

執惱散五濁豈止沈疴瘳未知商山樂能如洞庭不

華山寺

在西山盡處多泉泓僧房中數處有之有湯岐公胡茂老樞密孫仲

益尚書諸公題詩

五湖西岸孤絕處旃檀大士來同住性空真水遍清

涼隨緣出現無方所蒙泉新繫鑑泉明淪茗羨藜甘

似乳何須苦問蓮開未桂子菖花了今古三翁綵筆

照清霞從此它山都不數我今閑行作閑客暫借雲

窻解包具魂清骨冷不成眠徹曉跏趺聽粥鼓脚力

有餘西塢盡明日灣頭更鳴榔却上東山喚德雲別

峯應在銀濤許

縹緲峯

西山最高峯

滿載清閑一棹孤長風相送入仙都莫愁懷抱無消
豁縹緲峯頭望太湖

鎮下放舡過東山二首

打頭風急鼻雷鼾醉夢閑心鐵石頑惟有愛山貪未
厭西山纔了又東山
老禪竿木各逢場詩客端來共葺杭一任顛風聒高
浪滿舡歡笑和詩忙

翠峯寺

在東山雪竇巖老道場山半有悟道井
庭下大羅漢木兩株虬屈蟠壯甚奇古

來從第九天橘社繫歸船借問翠峯路誰參雪竇禪
應真庭不木說法井中泉公案新翻出諸方一任傳

社山放舡

社山鍾聲送客舡凌波過鼓轉滄灣橫煙棗處雞豚
社落日濃邊橘柚山八表茫茫孤鳥去萬生擾擾一
舟閑湖心行路平如鏡陸地風波却險難

東山渡湖

渡舡帆飽如張弓倏忽世界寒沖澗堪輿無根日夜
泛浩浩元氣蓬蓬風湖光日色不可辨但見水精火
齊合集成虛空波臣川后敬愛客約束秘怪驅魚鼈

大千摠作大圓鏡光中飛度迷西東蒼茫一身無四
壁八方上下惟孤蓬毛作仙出迎笑相問何乃自苦
荒寒中吾生蓋頭乏片瓦到處漂搖稱寓公猶嫌塵
土碍人眼茲遊勝絕餘難同九衢車馬恍昨夢付與
一笑隨飛鴻

與遊子明同過石湖

契闊相逢一笑歡當年森柱共驂鸞試談舊事醒村
酒仍起新晴暖客鞍梅粉都皴啼宿雨柳黃不展噤
春寒從今昂多幽事仍喜蛙聲不在官

次韻同年楊廷秀使君寄題石湖

儀鳳當瑞九韶成何事栖鸞滯碧城公還蕭然直吏
隱文名籍甚更詩聲句從月脇天心得筆與冰甌雪
椀清書到石湖春亦到平堤梅影穀紋生
半世輕隨出岫雲如今歸作卧雲人小山有賦招游
子大塊無私佚老身禪版夢中千嶂曉鬢絲風裏萬
花春新年社甕鷺黃滿勝醉田頭紫領巾

自閭門騎馬入越城

日影穿雲亦未濃夜來疎雨洗清空村前村後東風
滿略數桃花一萬重
斷橋墮岸數家村雨少晴多減漲痕雪白鳩兒綠楊

柳日高猶自掩柴門

姚夫人挽歌詞

衿悅虞繅後詩書孟母隣高懷琴意靜晚福詔恩新
自木悲風木于今詠澗蘋松銘無溢美百世考堅珉
北山堂千巖觀新成徐叔智運使吟古風
相賀次韻謝之
北山松竹堪怡顏千巖觀前多好山誰云都無草維
地亦尚有此茅三間洞門無鑰常不關小徑百曲蒼
龍盤叢茅迷人不知處片雲與我俱忘還花前一杯
重鼎呂明日屏田并灌圃種菘種豆從此忙昨夜驚

雷送膏雨

贈舉書記歸雲丘

一枕清風四十霜孤生無處說淒涼相看只有龐眉
客還在雲丘舊草堂

四股澗松雷斧醉十圍巖桂燒痕枯不知階下跳珠
處舊竹春來有筍無
青山面月想依依水石風林入夢思白髮蒼顏心故
在只如當日看山時

題查山林氏菴

庭戶清深宅翠微雪如佳壁喚題詩煙稍矗矗青圍

屋露葉鮮鮮綠滿籬宿雨一春繞汎鴨新蕪幾日已
藏碑山僧見客如枯木疑是懶殘南嶽師

木瀆道中風雨震雷大作

惡風奔雲何壯哉溪水欲立山欲摧石岸迸裂纜邊
樹胡床動搖舡底雷靈巖塔後雨肺掛胷口廟前浪
花來蓬漏衣霑不足惜酒瓶傾側愁空壘

光福堂上

指點炊煙隔莽蒼午餐應可寄前莊鷄聲人語小家
樂木葉草花深巷香春去已空衣尚絮雨來何晚稻
初芒秭今農事村村急第一先陂貯水塘

與至先兄遊諸園看牡丹三日行備

拄杖無邊處處過粉圍紅繞柰春何閨門昨日看不
足今日婁門花更多

蜂蝶蕭騷草露漫小家籬落閉荒寒欲知國色天香
句須是倚欄燒燭看

次韻同年楊使君回自毗陵同泛石湖舟

中見贈

客舫中流下人家夾岸看落花堆錦暖吳藕鏤冰寒
莫厭清歡暫須知後會難小詩煩本事任秃絲毫端
曲誤不須顧客狂當好看日斜雙漿急風駛夾衣寒

賸說歸田樂，休歌行路難。石湖三萬頃，何處覓憂端。
北渚乘風渡，西山帶霧看。袖單嫌翠薄，杯淺怯金寒。
宿雨收，全易春醒解，却難且留行色。任重肯過蘇端。
頃乾道辛卯歲三月望夜，與周子充、內翰
汎舟石湖，松江之間，夜艾歸宿農圃。距今
淳熙己亥九年矣。余先得歸田，復以是夕

泛湖有懷昔遊賦詩紀事

右湖花月浮春空，憶共仙人同短蓬。三年半醉吹笛去，
擢入濕銀天鏡中。鶴鳴喚歸斗未沒，却步扶疎花底月。
不知行到碧挑邊，但見天風吹積雪。月圓月缺今幾回，
依舊滿湖金碧堆。仙人還上玉堂宿，合有片時清夢來。
一咲流光飛電抹，嫦娥相對兩愁絕。桂枝應亦老無花，
蟾兔不須疑鶴髮。

嬾床午坐

晴霄垂北窓，卧我翠握中。不知幾斤鑿，成此太虛空。
前雲稍過尽，後雲來無窮。鳥雀有底忙，激彈過墻來。
不如雙飛蝶，款款弄微風。我亦困思生，拋書眼蒙茸。

秋前三日大雨

暑殘堪喜亦堪憐，恰似沙塲喋血立。縱有肯城餘燼在，
能禁幾度瀉簷聲。

秋前風雨頻涼

秋期如約不須催
雨脚風声兩快哉
但得暑光如寇
還不辭
老景似潮來
酒盃觸撥詩情動
書卷招邀病
眼開明日更涼
吾已卜暮雲
渾作亂峯堆

立秋後二日泛舟越來溪三絕

西風初入小溪涼
帆旋織波紋縐淺
藍行入鬧荷無
水面紅蓮沉
醉白蓮酣

一川新漲熨秋光
掛起蓬牕受晚涼
楊柳無窮蟬不
斷好風將夢過橫塘

飯後茶前困思生
水寬風穩信篙撐
不知浪打船頭

響聽作凌波解佩聲

采菱戶

采菱辛苦侶天刑
刺手朱殷鬼質青
休問揚荷涉江
曲只堪聊誦楚詞聽

曉起聞雨

老來稍喜睡魔清
兀坐枯株聽五更
蕭索輪囷憐燭
灰飛揚跋扈厭蚊聲
登高了後教雨刈
熟人忙却要晴
莫道西成便無慮
大須濃日曬香秔

說虎軒夜坐

白雲深處卧癡頑
掛起東窗水月寬
但得好詩生眼

底何須寶剎現毫端一身莫作官身想萬境都如夢
境寬蟹舍憐翁能日醉呼未分與一蒲團

偶書

太行巫峽費車舟休向滄溟認一漚日下永山難把
玩雨中土偶任漂流元無刻木牽絲技但合收繩卷
索休惟有酒釭并飯甑却須秣秣十分收

睡覺

漏箭聲中斷甬哀界窻猶有月徘徊心兵休爲一蚊
動句法却隨孤鴈未漱罷玉池甘侶醴夢餘金鼓辯
如雷夜長展轉添許事推枕蕭然一咲咍

閭門送胡子遠著作守漢州

前年送君朝明光今年送君還故鄉錦官樓上一尊
酒萬里閭門拆楊柳吳波汙汙蜀山蒼人生行路如
許長相逢相送鬢如雪人生能禁幾離別房湖風月
開春臺石湖水雲歸去來西棹東帆君未了相逢還
向閭門道

嘲蚊四十韻

暑魃方肆行羽孽亦當習肖翹極么麼塊北累闢翕
濕生同糞竭腐化類宵熠初來鬧郭郭少進亘原隰
嚶如蠅聲薨聚若蝨羽揖俄爲隱雷閔遂作密霰集

口銜鋼針鋒力洞衲衣襲啾聲先計議着肉使噓吸
立豹猶未定卓錫已深入血隨姑嘬升勢甚輓轡汲
沉酣尻益高飽滿漸急腹晶晶紫蟹眼滴滴紅飯粒
拂掠倦體煩爬搔痒肌澀抹東不虞西擒一已竄十
新癩蓓蕾漲宿暈斑爛浥竟夜眠展轉連床歎於悒
云何人戚欣乃繫汝張歛驅以葵扇風熏以艾煙濕
檠長鎮藏遮帳隙亟補葺火攻憚穢臭手拍嫌腥汁
伏翼佐掃除網蛛助收拾薄暮洵交攻大明証未戢
牛革厚逾羶黷介銛勝釵遭汝尚欲困嗟人何以給
夏蟲雖衆多罪性相百什蜂蠆豈房擺蟻虱但禪褶

羊羶螳登俎驥逸畜附馬蠓惟舞醯甕蟬止崇書裘
蚤爲鵠所撮蠅亦虎能執彼愆可貫死汝罪當猷級
涼飈儵然至醜類殆哉岌一吹甯吻破再鼓翅翎繫
三千蹀頡利百萬走尋邑快哉六合內蔑有一塵立
虛空既清涼家巷得寧輯窻鷄夜可誦蛩機曉猶織
雨簾繡浪卷風燭淚珠泣客來添羽觴人靜拂塵笈
恍還神明觀似啓坏戶蟄消長誰使然智力詎能及

閭門戲調行客

日夜飛帆與跨鞍閭門川陸路漫漫人生自苦身餘
幾天色無情歲亦寒萬事惟堪六如觀一杯莫信四

并難重陽雖過黃花少尚有遲開玉雪團

九月二十八日湖上檢校籬落

村北村南打稻聲荒園屐齒亦嬉晴菊邊更覺朝陽
好松下偏聞晚吹清一歲吾非吾樂事千金不得此
閑行周遭踏遍芙蓉岸足痺腰頑栩栩輕

晚步吳故城下

意行殊不計榛菅風袖飄然勝羽翰拄杖前頭雙雉
起浮圖絕頂一鷗盤醉紅匝地斜曛暖熨練涵空漲
水寒却向東臯望煙火缺蟾先映榭林丹

上沙田舍

更無雲物起微陰隴畝人家各好音歲晚陽和歸稻
把夜來霜力到楓林兒童笑裏豐年面烏鳥聲中落
日心釀秫炊秬都入手賸拚腰脚辦登臨

與現壽二長老遊壽泉因語去年林屋之

遊題贈

何年錫杖斲清甘天遣深源壽此菴金罍萬枝淨倒
影爲君題作菊花潭

松風吹浪入雲關二衲相從一士閑人與瘦筇俱老
健去年今日在包山

渡太湖

囊風閣雨半晴陰慘澹誰知造化心委命沉浮惟一
葉計身輕重亦千金紅塵猶道不勝險白浪莫嗔如
許深晚得薊山堪寄纜卧聽鼃吼與龍吟

再渡胥口

古來此地快蓬心天繞明湖日照臨一鴈雲平時隱
見兩山波動對浮沉衰髯都共荻花老醉面不如風
葉深冒戶釣徒來問訊去年盟在肯重尋

跨馬過練塘喜晴

稻穗初乾怕雨晴晚來蒸暖欲霏微西風若可吹雲
盡不惜飄飄側帽歸

晚歸石湖

何須駟馬眩鄉關只作歸農老圃看夢裏曾腰綉結
佩年來新著情遊冠和煙種竹聊醫俗帶月聞蛙不
在官久矣此心恬不動如此併與此身安

北山堂開爐夜坐

困眠醒坐一龕多竹洞無關斷客過貪向爐中煨楮
拙嬾從掌上看菴摩閑無雜念惟心在老不甘心柰
鏡何八萬四千安樂法元無祕密可伽陀

入城

十里清風一餉間片帆真欲解人顏林家莊近聞鵝

鴨舡到閭門儘未閑

儘字俗用已久據理只合用盡字

次韻早蚊

羽蟲么麼塞區寰造化胡爲弗疾頑長養汙淫草木
處縱橫大地山河間夜聲雷動人力屈秋喙花開天
理但願江湖無白鳥何須金鼎鑄神姦

冬至晚起枕上有懷晉陵揚使君

新衣兒女鬧燈前夢裏莊周正栩栩騎馬十年聽曉
鼓人生元有日高眠
多稼亭邊自所思冬來撚却幾行髭也應坐擁黃紬
被斷角孤鴻認要詩

寒雨

何事冬來雨打窻夜聲滴滴曉聲淙若爲化作漫天
雪徑上孤蓬釣晚江

戲贈脚婆

日浦東窓照被堆宿湯猶自暖如煨尺三汗脚君休
笑曾踏靴霜待漏來

除夜前二日夜雨

雪不成花夜雨來壘頭一洗定埃無小童却怕溪橋滑
明日先生合探梅

次韻章秀才北城新圃

方流桃花塢窈窕入壺天碧城當巖岫清灣如澗泉
風月欲無價聊費四萬錢雪後春事起紅雲蜂蝶邊
西城如西塞桃花古來多釣艇鰕魚肥前身張志和
煙霏幾白鷺風雨一綠蓑清江韻新引清絕勝陽阿
夢中作

漢：人間一氣平虛無宮殿鎖飛瓊碧雲萬里海光
動何處書來金鶴鳴

北城梅爲雪所厄

凍葉枯枝瘦欲乾新年猶未有春看雪花祇欲欺紅
紫不道梅花也怕寒

雪後六言二首

雨聲和深巷展風力到檠檠燈可惜滴殘簷雪從教
漂盡何冰

歲寒破屋萬卷風急踈窻一燈高卧眼生醉纈遠遊
鬚有堅冰

元夕大風雨二絕

東風無賴妬華年一夜凄寒到酒邊放盡珠簾遮盡
炬莫教簷雨濕青煙

河傾海立夜翻盆不獨妨燈更損春凍溢笙簧猶可
耐滴皺梅頰勢須嗔

春懷

柳顰梅笑各相惱
詩債碁讐俱見尋
莫道幽居無一事
春來風物揔關心

自橫塘橋過黃山
陣陣輕寒細馬驕
竹茅林店小帘招
東風已綠南溪水
更染溪南萬柳條

次韻謝李叔玠追路送筍

墮地錦棚茁解衣
溫玉姿來償石竹
債大勝伏雌炊
少日羨藜子老來
煨芋師盤食登異
味指動已先知

石湖居士文集卷第三十一

石湖居士文集卷第二十二

詩

秀州門外泊舟

拍岸清波撲岸埃
黑頭霜鬢幾徘徊
禾輿門外官楊柳
又見扁舟上堰來

臨平道中

煙雨桃花夾岸栽
低低渾欲傍舡來
石湖有此紅千葉
前日春寒揔未開

夜過越上不得遊覽

王程公事兩相催
衝雨片帆連夜開
千巖萬壑在何

處山陰道中無好懷豈有酒舡尋賀老興盡那能訪
安道鑑湖春色漫芳菲付與青青河畔草

道中古意二絕

桃花寂無言垂楊照溪綠不見苧蘿人空吟若耶曲
浣沙寂不好辛苦觸戰箭東施無麗質安穩嫁鄉縣

觀襖帖有感三絕

古人賦多情無事輒愁苦蘭亭一觸詠感慨乃如許
寶章薶九泉摹本範百世白鵝蒲波間誰識腕中意
三日天氣新襖飲傳自今古下上人不好事佳節棄如土

浙東舟中二首

處處槿樊園家家桃廡門魚鹽臨水市煙火隔江村
雨過張帆重潮來汲井渾寧跽短蓬底休說兩朱轡

初赴明州

四征惟是欠東征行李如今忽四明海接三韓諸島
近江分七堰兩潮平擬將寬大來宣詔先赴清和去
勸耕頂踵國恩元未報驅驅何敢歎勞生

昌國縣圖障於海中

題字云自此與高麗國
接界蓋宇內極東處也

寄虎丘範長老

誰云簪紱坐成禽亦漫爲官漫好音身已備嘗生老
病心何曾住去來今一波不動月空照萬籟無情風

自吟持此東歸似同志故應分我半山林
次韻汪仲嘉尚書喜雨

雨雲渾似雪雲同天意人心本自通
吏役驅三騎馬滑何如欹枕閉門中

老身窮苦不須憂未有毫分慰此州
但得田間無數息何須地上見錢流

曉起

窻明驚起倒裳衣鈴索頻搖定怪遲
即入簿書叢裏去少番欹枕聽黃鸝

大風

四明亦有颶風

颶母來從海苦家青天白日忽飛沙
煩將殘暑驅除盡只莫顛狂損稻花

大黃花

大芋高荷半畝陰玉英危綴碧瑤簪
誰知一葉蓮花面中有將軍劍戟心

進修堂前荷花

方池瀉水勝埋盆露入蓮腮沁粉痕
鈴索無聲人不到小禽飛入鬧荷根

州宅堂前荷花

凌波仙子靜中芳也帶酣紅學醉粧
有意十分開曉

露無情一餉斂斜陽泥根玉雪元無染風葉青葱亦
自香想得石湖花正好接天雲錦畫舫涼

新荔支四絕

荔浦園林瘴霧中戎州沽酒擘輕紅五年食指無占
處何意相逢萬壑東

海北天西兩鬢蓬閩山猶欠一枝筇艸荔子如新
摘行敢何須更雪峰

甘露凝成一顆冰露穠冰厚更芳馨夜涼將到星河
下擬共嫦娥門月明

趁舫飛來不作難紅塵一騎笑長安孫郎跛玉無消

息先破潘郎玳瑁盤

四明海舟自福唐來順風三數日至得荔子色香都未減太勝

戎浩間所產蒲陽孫使君許寄蜜荔過期不至貳車潘進奏餉玳瑁一鍾亦佳併賦之

甬東道院午坐

一夜西風轉酒旗午餘殘暑不多時綠荷半餉霜前
葉丹桂全封雨後枝忙裏有詩償日課老來無賦爲
愁悲梳頭小隸那知此強向窻前數鬢絲

東門外觀刈熟民間租米舫相銜入門喜

作一絕

菊莎杞棘甕無煙日日文書橫索錢今日甬東官况
好東津門外看租舫

文書謂諸司督通者

潮到靈橋綠繞舡海邊力穡婁豐年淡青山色深黃
稻恰似胥門九月天

探木犀

秋半秋香花信遲攀枝擘葉看纖微昨朝尚作蒼槍
瘦今雨催成粟粒肥

九月五日晴暖步後園

海氣烘晴入斷霞半空雲影界山斜輕羅小扇游蜂
畔只此東風有菊花

九日憶菊坡

菊坡長恨隔橫塘城郭山林自不雙放棹松江花已

遠濤江之外更鄞江

重陽九經堂作

倍間佳節自忽匆老去悲秋又客中青嶂卷簾三面
月黃花吹鬢幾絲風十年故國新栽柳萬里他鄉舊
轉蓬誰與安排今夜夢片帆飛到小籬東

真瑞堂前丹桂

血色凡花太俗生花工新意染秋英抱紅太重鞋紅
淺畫不能模句寫成

官忙風月鎮長閑開遍香紅酒尚寒若要與花相領

略千巖隨分有攔干

石湖千岩觀前
手植丹桂二畝

題羔羊齋外木芙蓉

慵粧酣酒夕陽濃
洗盡霜痕看綺叢
綠地團花紅錦障
不知庭院有西風

進思堂夜坐懷故山

塵事潮來不可推
身如病鶴強^羸毳
棊簿書遮斷^尋詩路
風雨驚^殘問月盃
想得竹門無客到
直須雪夜有^舡迴
鱸鄉望眼雙明處
祇欠凌霄萬仞臺

楊少監寄西征近詩來因賦二絕爲謝詩

卷第一首乃石湖作別時倡和也

柴門重客醉中歸
尚憶揮毫索紙時
何物儂^下與供不^上

朽西征卷首石湖詩

錦囊隨上越王臺
天海風濤亦壯哉
書到嶺頭梅恰動
一枝應伴一篇來

羔羊齋小池兩涘木芙蓉盛開有懷故園

洞戶掩秋深
畫橋橫晚靜
嫋嫋芙蓉風
池光弄花影
懷我白鷗邊
錦障繚千頃
明湖拍岸平
紅綠染天鏡
釣舡無畔岬
收拾入簿領
墻藩束院落
寒窘令人屢

鹿鳴席上贈貢士

登陸由來說四明
台星光處更魁星
海濱二老尊周室
館下諸生右漢廷
秋賦重增人物志
春闈俱上佛

名經一飛好趁扶搖便咫尺西輿是北溟

大廳後堂南窓負暄

萬壑無聲海不波一窻油紙暮春和醉眠陡覺氍毹
贅圍坐醜嫌楮拙多水暖玉池添漱嚙花生銀海費
揩摩端如擁褐茅簷下祇欠烏烏擊缶歌

晚步北園

刮地晴飈逞海痕出門無扇可障塵麥黏瘠土何時
雪梅糝踈林昨夜春天鏡風煙疑夢事鬢霜時節尚
官身裏章束帶朝還暮慚愧青鞋紫領巾

謝賜膈藥感遇之什

鴻寶刀圭下九閔十年長奉璽封看扶持蒲柳身猶
健收拾桑榆歲又寒天地恩深雙鬢雪山川途遠一
心丹疲眊疾苦今何似拜手歸來愧伐檀

立春後一日作

浮生萬法本悠哉大笑羲娥轉轂催官事已邀癡作
伴春風應共老俱來雲容雪意將詩問柳眼花心待
酒媒九十韶光天不靳人間笑口自難開

春前十日作

臘淺猶餘十日春官忙長愧百年身雪催未動詩無
力愁遣還來酒不神節物何曾欺老病書生自慣說

悲辛終朝戚促成何事今古紛紛一窖塵

三江亭觀雪

陰山陽朔雪中迴行到天西玉作堆乘興却遊東海上
白銀宮闕認蓬萊

懷歸寄題小艇

日出塵生萬劫忙可憐虛費隙駒光若教閑裏工夫
到始覺淚中滋味長歲晚角巾思芋栗年來手版愧
耕桑松風蘿月須相信春水深時上野航

雪後雨作

端葉飛來麥已青更煩膏雨發欣榮東風不是厭滕

六却怕雪天容易晴

再雪

銀竹方依簷住瑤花又入簾窺一白本憐麥瘦重來
應寫梅遲

立春日陪魏丞相登三江亭

佳節登臨始此回聊從晝靄望蓬萊水分江北渡頭
去風自海東潮外來木白天寒猶帶雪十洲地暖已
浮醅一尊往酌發舡鼓我亦歸帆相次開

寄題鹿伯可見一堂

夢覺春闈俱轉蓬仙凡今隔玉霄東聊攀鉄鏢問何

似豈敢避空邀蓋公
生來於君一歲長決去愧我三年遲今世誰不落第
二著鞭尚續堂中詩
雪溪興盡舡當迴却擬登陸遊天台經行見一堂前
路轉入湖山尋悞來

將赴建康出城

牒訴繽紛塞甕天經年癡坐兩三椽出門納納乾坤
大依舊青山繞畫舡

寺莊

大麥成苞小麥深秧田水滿綠浮針今年一飽全無

慮寬盡歸舟去客心

育王方丈

窻紙悲嘶萬壑風石梁飛磗倒枯松因勤昨夜三更
雨添作投淵雪色龍

鰻井

缺甃神通未易論雨聲留客夜翻盆不辭客路春泥
滑且足秧田舊水痕

妙喜泉

二士共譚碑上法千僧同酌沼中泉法門泉味知多
少水桶繩頭一串穿

明月堂

古來禪窟鑿巖高
拂子崔嵬拄杖橫
塔上佛光堂上月
莫言公案不分明

自育王過天童松林三十里

竹輿窈窕入蕭森
逗雨梳風冷客襟
翠錦屠蘇三十里
不知脚底白雲深

香山

抖擻軒裳一闋塵
任教空翠滴烏巾
老身已到籃輿上
處處青山是故人

育王望海亭

海雲晻靄日籠葱
按指光中萬象空
想見蓬萊西望眼
也應知我立長風

天童三閣

千佛羅漢善財

松蘿幕天墮空翠
迎面風香三十里
曾宮亭亭隔瑤水
碧瓦瓊椽五雲裏
千佛當門無半偈
聲聞未解祖師意
徧參踏破青鞋底
前樓後閣玲瓏起
閑客那知如許事
東齋聽雨爛熳睡
覺來一轉聊布施
普請雲堂來擬議

天闊山長雨似煙忽然飛去暗平川
杭禾未實秬禾瘦不用煮織便需然

除夜

婪尾杯殘雪滿簪床頭曆日費光陰
故山巧入忙中夢新歲尤閑客裏心
烏鵲倦時三匝繞鷓鴣穩處一枝深
勞生佚老尋常事從政那堪力不任

元日

老來百味絮沾泥期會關身尚大馳
幾夜鄉心敬枕處今年脚力上樓時
酒缸幸有乾坤大丹鼎何憂日月遲
莫道神仙無可學學仙猶勝簿書癡

體中不佳偶書

生平人比似維摩試比疋孱不啻過
舊摘衰髯今雪徧頻揩病眼轉花多
從來世味聊復爾此去官身如老何
收拾頽齡加藥餌尚堪風月對婆娑

坐嘯齋書懷

時方治賑濟

老來窮苦事相違兀坐鈴齋竟日癡
眼目昏綠多押字曾襟俗為少吟詩
月侵燈影吏方去春徧梅梢官未知
直待食新方緩帶明朝騎馬問陵陂

寶公祈雨咸應用陳申公韻賦詩為謝

臚原龜圻莫春時夾路爐薰共禱祠
喚起雲頭千嶂

湧飛來雨脚萬絲垂無情梅塢猶紅綻有意秧田盡
綠滋大施門開須滿願均此施匝天涯

送徐叔智運使奉祠歸吳中

手種湖邊花百畝東風日夜催歸去當年辛苦種花
時不道白頭猶未歸君如肯過城南陌但向水雲紅
處覓煩呼猿鶴問平安當有畦丁解看客我今江舡
亦欲東撤迎楓橋成雨翁壓枝萬朵雖過盡尚及巢
龜蓮葉中

送舉老歸廬山

三千里往回似夢四十年今昔如浮去矣莫久番桑

下歸歎未共煨芋頭

題現老真

三十年來共葛藤如今蓮社冷如水茶瓜櫻筍遊山
會從此齋厨欠一僧

致一齋述事

文書烟海困浮沉不覓盤跚百病侵偶問客年驚我
老忽聞鶯語嘆春深今朝麥粒黃堪麪幾日秧田綠
侶針除却一犁春雨足眼前無物可關心

次韵楊同年秘監見寄二首

瘴雲烟雨幾時歸應把周南視九夷舊說鬼神驚落

筆新傳狐兔駭拳旗韶江石老蕭音在庾嶺梅殘驛
使逢自古朱絃清廟具莫貪鵬海看天池

吾哀長愧接輿狂忙裏何心領燕香塵土簿書憎鐵
硯水雲簑笠傲金章論文無伴法孤起訪舊有情書
數行何日却同湖上醉露帟宵幄爲君張

曉起信筆

午起汗如洗曉擲氣稍蘇
莎蛩試風露蒲意嗚相呼
倦客感節物流光不踟躕
秋光已如許殘暑何足驅
人言今歲熱迥與常歲殊
此理恐未然豈不知頭顱
年年有三伏日日非故吾
婆今尚可後當彌不如病

骨須涼未暇惜居諸坐未有清思
西風搖井梧

送曾原伯運使歸會稽用送徐叔智韻

秧田水蒲麥栖畝勸農使者翩然去
去年愁苦救荒時豈敢愛爲今日歸
天津橋西官柳陌文書燈火長
相覓江山信美不畱人寂莫回潮
送客鏡湖一曲浙河東萬頃太湖
簑笠翁願賡四愁作五詠我所思
兮思剡中

王南鄉母挽詞

櫛縱稱絕純孝笄珈蚤隱憂病中心已化身外世如
浮雲聞道西風木誰能駐壑舟佳兒行古道足以賁

潜幽

次韻鄭校書參議留別

年豐方共慶歲晚客宅之吏事朝还莫人生合復離
江山殘夢破風月片帆移後會吾衰矣桑榆一璽絲

重九賞心亭登高

憶隨書劍此徘徊投老雙旌重把杯綠鬢風前無幾
在黃花秋後不多開豐年江隴青黃偏落日淮山紫
翠來飲罷此身猶是客鄉心却附晚潮回

寄題王仲顯書樓

嗜書如嗜酒知味乃篤好欲辯已忘言不爲醒者道
使君青箱家文史裝懷抱平生名教樂雙旌不滿咲

忽乘雪溪興未樣秦淮棹丘亭客漂泊夜夜短檠照
人云太癡絕我自斲輪妙今朝檣竿起昨夢繞閭皂
云有百尺樓歸寄北窓傲滴露納朱黃拂塵淨細縹
想當呻畢時寧復羨騰躉古心千載事俗眼詎能料
簫灘富還往取友必同調一張復一弛釀秫助歌咲

菊樓

金陵出一種菊甚高園丁
結成樓塔或至一二丈

東籬秋色照踈蕪挽結高花不用扶淨洗西風塵土
面來看金碧萬浮圖

北門覆舟山道中

苒苒霜風掠弊貂簿書塵外訪漁樵林烟色淡如濛

雨塘水痕深，伴落潮鴈字。江天聞寒管，梅梢山露欠。
溪橋騎馱索，句當年事。歲莫騷人不自聊。

送郭明復寺丞字蜀州

士進固未易，退亦良獨難。西州多故人，歸路常險艱。
有道獨行意，郭舟若神仙。勿輕銀兔符，傾倒金貂蟬。
唐安君昔遊，百萬蠲通錢。我亦嘗客夢，醉歌採菱船。
父老尚相記，况君有前緣。想見東西湖，恩波漲春瀾。
此地著經濟，紗笼相後先。潭相業堂空，新題我所刊。
政爲耒耜地，君行豈偶然。去去進明德，後日五四賢。

元日謁鍾山寶公塔

雪後江臯未放春，老耒猶駕兩朱輪。歸心歷々耒時
路，官事驅々病裹身。未暇鷄窠尋古佛，且防鶴帳怨
山人。君看王謝墜邊地，今古功名一窖塵。

元日馬上二絕

泥絮心情雪樣髭，詩囊羞澁酒杯嫌。年來萬事都消
減，唯有床頭曆日添。

筋骸全比去年非，騎吹聲中憶釣磯。待得江風欺老
病，何如聞健一簑歸。

春晚

荒園簫瑟懶追隨，舞燕啼鶯各自私。窻下日長多得

睡尊前花老不 詩吾衰久矣雙蓬鬢歸去未分一
釣絲想見籬東春漲動小舟無伴柳絲垂

北窻偶書呈王仲顯南鄉二友

官居故偏及北窻誰所聞故胡床憇午暑簾影久徘徊
高槐忽低昂知有好風未須更墮几席篆香小飛灰
病翁亦披襟月露壯奇懷隴頭暴背耘永晝婦子偕
不諱夢山裂田水如撥醅去年豈堪說相根已浮埃
使君坐侯宅窻間即涼臺何敢訴昔熱灑然助心齋

中秋清暉閣靜坐因思前二年石湖四明

賞月

前年眼界接天迷去年金盃湧海低漂泊相逢重一
啖秦淮東畔女墻西

玉麟堂會諸司觀牡丹醱醱三絕

東風微峭護餘春紅紫香中酒自溫不用忙催銀燭
上醱醱如雪照黃昏

洛園姚魏碧雲愁風物江東亦上遊憶起遨頭八年
夢彭州花滿西樓

莫向花前惜酒杯一年一度有花開浮生滿百今強
半歲歲看花得幾回

重九坐玉麟堂

江上西風動所思
又將清賞負東離
年年客路黃花酒
日日鄉心白馬詩
籠月秦淮無舊曲
馳烟鍾阜有新移
人生嘆口真稀闊
况值官忙閱雨時

次韻舉老見朝未歸石湖

半世憶客舍
柳長年吟後
園花為報
廬山莫嘆雲丘
今屬誰家

次韻曾仲躬侍郎同登伏龜樓二絕

帶束江淮翠岫圍
掌窺臺殿碧鱗差
劉郎向裏登臨
眼壓倒三江二水詩

古來游客謾西東
領會誰如我與公
露坐繩床天不

畫絕勝簾雨棟雲中

題李雲叟登軸兼寄江安楊簡卿明府二

絕

蒼烟枯木共荒寒
籬落堤灣洶漲湍
歸路宛然歸未
得閑將李叟畫圖看

新圖來自雪邊州
皴石枯槎筆最週
明府能詩如此
畫為渠題作小營丘

晨出蔣山道中

霜痕如雨沁東郊
樂歲家家一把茅
故國立陵多麥隴
新晴籬落有梅梢
小山何在應招隱
北嶺如今已

猷嘲歸計未 聊琢玉飄飄風袖作推敲

有感今昔二首

陽春白雪雅音稀 俚耳冬烘輒笑嗤 摩見麗姬翻決
驟鳥聞韶樂却憂悲 爛奚輕簿人何敢 伏獵荒唐自
不知 蚓竅蠅鳴莫朝咲 彭亨菌蠢正當時

飄風驟雨謾驚春 掃蕩何煩臂屈伸 天職不衷宜不
怨 神歆非類卽非仁 休讐地下枯魚骨 且聞尊前律
擯身 靜看可憐還可咲 香山寧是幸災人

種竹嘆向在成都 種竹浦西園 偶若寒疾
竭耒金陵復種繞池 未幾眩卧閣家人子

遂謂不當種竹 其說甚可怪 難歎口占此
詩

宣華種萬竿 寒疾適相值 玉麟種千竿 復須 藥餌
僮奴徂 今昨競道竹相宗 如將至作狂侶 以儒爲戲
此君耒声 究林神亦短氣 我愛不平鳴 霍然推枕起
明當還石湖 賸種千畝地 未論比君封 且用執謔味

公退書懷

昨者騰章奏發倉 今次飛檄議驅蝗 四無告者僅一
飽 七不堪中仍百忙 曠日自能臨俯仰 浮雲寧解制
行藏 求田問舍亦何有 歲晚倦遊思故鄉

素馨間茉莉木犀和玉簪醫未都屏去頭眩怕香侵
謝範老問病

三椽一席度秋冬造化見嬉因此翁帖有王書難治
眩文如陳檄不驅風骨枯如疥膚如腊髮織成羶鬢
作蓬點檢病身還一咲本來四大滿虛空

二偈呈佷壽老

法法剎那無住云何見在老耒若覓三心不見便從
不見打開

孟說所過者化莊云相代乎前何處安身立命饑食
渴飲困眠

諾惺庵枕上

噩夢驚回曉枕寒青燈猶照藥爐邊紙窻弄色如朧
月又了浮生一夜眠

癸卯除夜聊復角齋偶題

五夜燈花重東風角韻開雪堪衣未續春早句多梅
寢歷羅門亞溫磨藥鼻煨老嫖星歲換病喜舊星回
鬢壘先題板屠蘇後把杯書扉無律筆爆竹有寒灾
錫標牙難膠檄盤眼倦開陳人仍憊卧身世兩悠悠

甲辰病中吟六言六首以自嘲

攢眉輒作山字歌耳唯聞水声人應見憐久病我亦

自厭餘生

目恍恍蟻旋磨頭岑岑鼈負山筆床久已均伏藥鼎

何時丐閑

政再崇枯術蒞剛云人厄天窮歸咎四衝臨歲乞遷

九曜過宮

復吉旣愆七日泰未惟俟三陽曆日今頒寅正占星

更候農祥

有日猶嫌開鑪無風不敢下簾報國丹心何侶夢中

抵掌掀髯

壯歲喜新節物老耄惜舊年華病後都盧不問家人

時換瓶花

正月九日霰雪後大雨二首

夜霰三更碎瓦晝冥一陣翻盆賴是梅花已過不然

鍍玉誰溫

黃昏簷溜垂瀑清曉履聲滿門湖光萬頃何侶小沼

先吹谷紋

正月十日夜大雷震二首

阿香真是健婦夜半鼓行疾驅直恐南山破碎絕憐

窻紙枝梧

人言有物司鼓春到揚桴發聲但要蛩蛩起戶何須

許震鳴

吳燈兩品最高

錢水影裏百千光
剪綵毬中一萬窻
不是齊人誇管仲
吳中風物竟難雙

燈夕懷廣蜀舊事

灘水橋西列炬香
少成樓下爰燈忙
兒嬉萬里客程

速老懶一龕春愛長

上元紀吳下節物俳諧體三十二韻

斗野豐年委吳臺
樂事并酒壚先疊鼓

歲後即旗亭先擊鼓不已

以迎節意

燈市早投瓊

膺月即有燈市珍奇者收人虔買之相與呼盧彩勝者得燈

價喜

青油賤祥占雨雪晴
篔簹仙子洞

坊巷燈以連枝竹縛成洞門多處數

十齒首化人成

蓮花燈

檣炬疑龍見

舟人接竹色檣之表置一燈望

星之如橋星訝鵲成

燈橋

小家厖獨踞

燈大

高開鹿双撐

屏展輝雲母

琉璃屏風

簾垂晃水精

琉璃簾

萬窻花眼密

燈以碎羅紅白相間砌成

千隙玉虹明

琉璃毬燈每一隙映成一

花亦妙

簷葡萄丹房掛

燈梔子

葡萄綠蔓榮

葡萄燈葡萄方縑繡

史冊

生絹糊方燈圖畫史冊故事村人喜看

圓魄綴門衡

燈月燈擲燭騰空

穩小毬燈時

推毬衮地輕

燈大家

映光魚隱見

琉璃水養

映魚之

轉影騎緞橫

燈馬騎

輕薄行歌過顛狂社舞呈

民間鼓樂謂之社大不可

悉誌大抵以滑稽取笑

村田簑笠野村街市管

絃清街市細樂里巷分題句每里門作長燈官曹別扁名

官府名額多以絹或琉璃映點早舡遙似泛夾道陸行為競渡之樂

水儻近如生以冰戲照針緒裝軍戶徹嘲啞繪樂棚山

多登一時可堵觀瑤席隘唱道綺叢爭禁鑰通三鼓

掃鞭任五更桑蚕春爾勸春爾自臘月即入食花蝶

夜蛾迎大白蛾花無貴賤悉息子描丹筆紅昼鴨子

鷺毛剪雪英剪鷺毛為雪花寶糖珍粒鮓拍吳中

鮓持為鳥膩美飴俗言能去鳥膩粉團藥意糰

熬稔臍膊声炒糯谷以十俗名孛筵筵算巫志怪香火

婢輸誠俗謂正月百草灵故帚帚針。箒下拖裙

驗弊帚繫裙以箕詩落筆驚即古紫姑今謂之微如

針屬尾以針姑卜伺其尾賤及葦分莖合為

末俗難訶止佳辰且放行此時紛僕馬有客靜柴荆

幸甚居長鉞居然照短檠生涯惟病骨節物尚鄉情

倚撫成俳體咨詢逮里昨誰修吳地志聊以助譏評

雪寒探梅

酸風如箭莫憑欄凍合橫枝雪未乾吳下得春元自

晚那堪添與十分寒

曉枕三首
煮湯聽成萬籟添被知五更陸續蒲城鍾動須臾後

巷鷄鳴

卧聞赤脚鼾息樂哉相。遽。病夫心口相語何日
佳眠似渠

舒慘常隨天氣。閑心窓暗窓明。晏扶頭未起。喚人先
問陰晴

不寐

春宵似煖非煖。曉夢欲成未成。風竹時驚。雀噪月窓
誰伴梅橫

戲書二首

長病人嬾理。亦耳吾今有計。可扶衰頰。君昇着山深

處。恐有黃龍浴水醫

群兒欺老少。凌窮口燥。蜃乾髮。謾衝顛沛。須臾猶執
礼。古來惟有一高共

耳鳴

風號高木。水翻洪歷。音聞不是聲。一任大千都震
吼。便從卷葉證圓通

案上梅花二首

南坡玉雪萬花團。旧約東風軟酒看。冷落銅瓶一枝
亞。今年天女亦酸寒

地炉火軟日烘窓。一夜花鬢半吐黃。鼻觀員通薰百

和傅山三夕罷燒香

古梅二首

孤標元不聞芳菲
雨瘦風敝老更奇
壓倒嫩條千
藥只消疎影兩三枝
誰似西湖處士才
詩中籬落久塵埃
陸郎旧有梅花
課未見今年句子來

至昌為具賞東軒千葉梅尚未開

玉葉重英意已芽
新移竹外小橫斜
東齋何事春工
晚鏡樹已花
梅未花

喜周妹自四明來

團夾話裏老龍衰
妹仍從海浦來
孤若尚餘兄弟
樂如今須病也眉開

占星者謂命宮月孛獨行無害但去年復
照作災今年正月一日已去而歲星作福
戲書二絕

昔躔初度本除災
何意重逢作病媒
久住夷存今日
過曆翁歡喜勸椒杯

暗曜加臨有救神
煌煌福德自天仁
只煩終惠蘇殘
喘官壽後渠秦薰秦

題藥方

孤童亦復夢槐柯無德無功用福多天理乘除當老
病巢源王訣李君何

園丁折花七品各賦一絕

單葉御衣黃

舟前鵝羽映酒塞上馳酥截肪春三若與多葉應入
姚家鴈行

水晶毬輕盈嫵媚不耐風日

又名醉面施又名
風嬌又名玉勝瓊

縹緲醉魂愛物嬌婉輕素輕紅若非風細日薄直蛩
雲霄雪融

壽安紅深色粉紅多葉易撞且耐久

豐肌弱骨自許醉暈粧光捻宜獨立風前雨裏嫣然
不要人醫

疊羅紅開逢旬日始放尽

襞積剪裁千疊深歲愛惜孤芳若要韶華展盡東風
細細商量

崇寧紅

勻染十分艷絕當年欲占春風曉起粧光溢粉晚未
醉面潮紅

鞞紅

猩唇鶴頂太赤柳夢梅腮弄黃帶眼一般官樣祗愁

瘦損東陽

紫中貴

沈沈色與露滴泥泥香隨日烘滿眼艷粧紅袖紫綃
終是仙風

聞春遠牡丹盛開

東軒聞道有花開癡坐三椽首謾回縱得如睛猶懶
看那堪風雨揭天未

蜀花以狀元紅為第一金陵東御園紫綉
毬為最

西樓第一紅多葉東苑無双紫壓枝愛裏東風忙裏

過蒲團藥鼎鬢成絲

喜雨

昨遣長鬚借踏車小池須水引鳴蛙今朝一雨添新
漲便合翻泥種藕花

嘲風

紛紅駭綠驟飄零癡駢封姨沒性靈報道海棠方熟
也須留眼為渠青

大風

春晴雖好恨多風到眼花枝轉眼空晴不與花為道
地爭如雲淡雨濛濛

風止

收尽狂飈卷尽雲一竿晴日曉光新
柳眼花魄都無恙依舊商量作好春

苦雨五首

河流瀟瀟更瀟簷潘垂垂又垂暑
天寧有漏處后王豈無乾晴

不辭蛾化麥穗巨恣秧浮浪花兒
孫汨汰護岸翁媪扶携上車

折笋肥梅釘坐涎螭闢上梁雨
三莫賈餘勇畱蟻待稻花半黃

潤礎絕晴又汗濕薪未爆先烟
壯夫往往言病病叟岑岑且眠

已厭衣裳莖潤仍憐書畫爛
斑奩香尚餘幾所尽付燠炉傳山

謝龔養正送斲竹杖

一声霜曉謾吹愁八尺風漪
不耐秋上座獨起三昧地諾惺
庵裏證舫舟

釋氏謂常行爲舫舟三昧

寄題祝郢州白雪樓

楚望風烟倚綉楹使君靜治
有高情祇應襦袴新翻曲壓倒
當年寡和聲

夏至二首

李核如腰祝饗粽絲繫臂扶羸節物競隨鄉俗老翁
閑伴兒嬉

石鼎声中朝暮紙窗影下寒溫喻年不與廟祭敢言
孝子慈孫

重午

熨斗童籠分夏衣翁身獨比去年衰已分菖葢十分
壯却要艾黃千壯醫蜜粽水糰爲誰好丹符彩索聊
自欺小兒造物亦難料藥裏有時生網絲

積雨作寒五首

壓屋雨雲晝暗環城霖潦夏寒西池半沒荷柄南蕩
平沈爇盤

已報舟浮登岸更憐橋塌平池養成蛙鼓無謂掃
蚊雷却奇

熨貼重尋毳衲補首盡護紙繆餘生雪鬢禪榻昨夢
雲帆漲江

婢喜蚊僵霧帳兒真蝸篆風樞兀坐鼻端常白忘懷
眼底常青

山寒禪老不下泥滑琴僧罕耒且喚園丁閑話喜聞

湖岸未顏

禪老範然堂琴
僧爭月師也

喜晴二首

驅帚水爭溝口卷簾日欵屋山饑燕廢兒叫怒拙鳩
去婦復還

窻間梅熟路帶墻下笋成出林連雨不知春去一晴
方覓夏深

子文大丞重午日走貺煮酒清甚殆與遠
水一色何其妙哉數語奉謝

腸脚清若空吾聞其語矣今晨品義尊公酒止如此
太常家有此段奇銷得不齋醉如泥但恨今無過雲
曲送我蒲苜一杯綠

子文旧有歌
者名過雲

子文見和云亦有小鬟能度曲復用韻
戲贈

三年屏杯酌甚矣吾衰矣眼中有溜澁猶解商畧此
花酒俱來事更奇不妨禪心絮沾泥翠眉何時真度
曲細意煩君畫蛾眉

白鹿洞寺文獻堂書目卷之十四

...

...

...

...

...

...

...

...

...

...

...

...

...

...

...

...

...

...

...

...

...

...



